



元和郡縣圖志卷之十

河南道六

淄青節度使

管十二州

鄆州 兗州 青州 齊州 曹州以後分入下卷 濮州

密州 海州 沂州 淄州 萊州 登州

鄆州東平 大都督府 開元戶二萬二千三百九十九 鄉六十二

今為淄青節度理所 自曹州以下分入下卷

管州十二

鄆州 兗州 青州 齊州 曹州 濮州

密州 海州 沂州 淄州 萊州 登州



禹貢兗州之域春秋時屬宋即魯附庸須句國音劬大昊之後風左傳曰公伐邾取須句戰國時其地屬魏秦為薛郡地在漢為東平國屬兗州後漢封皇子蒼是為憲王宗及後魏並為東平郡周宣帝於此置魯州尋廢隋分兗州禹安縣置鄆州大業三年罷州為東平郡隋亂陷賊武德五年討平徐元朗於今鄆城縣置鄆州為總管府本理鄆城貞觀八年以下濕移理須昌貞元三年為都督府

州境東西一百八十七里南北二百六十四里西南至上都九百八十里東南至齊州二百八十里東北至兗州一百九十里

貢賦開元賦綿西至曹州三百三十里北渡河至博州一百八十里

管縣十

東平 須昌 陽穀 壽張 盧縣
東阿 鄆城 鉅野 平陰 中都

東平縣郭望下古宿國左傳曰公及宋人盟於宿是也後齊為無鹽地漢於此置宿昌縣屬東平郡縣理無鹽城隋別置須昌縣屬鄆州改漢須昌縣為宿城縣貞元三年移于州理改為東平縣

須昌縣郭望本漢舊縣屬東郡故須句國按此前須昌縣在

今縣東南三十二里須昌故城是也隋改須昌為宿城縣更立須昌縣於今理屬鄆州縣在州南四十五步濟水南自鄆城縣界流入去縣西二里

州理故須句城左傳任宿須句顓臾皆風姓也注曰須句雖列國而削弱不能自通魯私屬若顓臾之比也

無鹽故城在縣東三十六里古宿國也列女傳曰無鹽者醜女名宿瘤齊宣王善之立為夫人即此縣女也

清水石橋在縣西三里隋仁壽元年造石作華巧與趙州石橋相埒長四百五十尺

東平思王宇墓在東四十九里漢東平思王宇宣帝於後

薨葬於此其家松柏皆西靡王奢侈生葬所愛幸者守冢者常聞號呼數年後乃不復聞聲

陽穀縣

上東南至七十五里

本漢須昌縣地隋於此置陽穀縣取東河縣界陽穀亭為名也屬濟州天寶十三年濟州為河所陷沒以縣屬鄆州黃河在縣北十二里

故伏城在縣東南二里蓋伏生所居因名之

壽張縣

緊東北至州四十五里

本漢壽良縣也屬東郡後漢光武以叔父名良改曰壽張屬東平郡開皇三年罷郡屬濟州十六年割屬鄆州武

德四年屬壽州五年廢壽州屬鄆州

梁山在縣南三十五里漢書曰孝王北獵梁山是也

壽州故城在縣東南十五里隋末百姓築以為堡武德四年於此置壽州

呂母垆在縣東南三十五里後漢東海呂母合眾於此袁

州人謂城實中曰垆

盧縣縣東南五十里

本漢舊縣也屬泰山郡都尉理之濟北王所都後漢盧縣

屬濟北國宋屬北郡開皇三年罷郡縣屬濟州大業三年

復為濟北郡武德四年討平王充復為濟州按濟州理碣

礮城礮音教本秦東郡之茌平縣也其城西臨黃河晉

末為河水所毀移理河北博州界事其博州宋元嘉二十

年寧朔將軍王元謨前鋒入河平礮礮立戍守之都督劉

義恭以沙城不堪守召元謨毀城而還後更城之後魏略

得河南置鎮守八年於此置濟州至天寶十三載州為河所

陷廢

礮礮津在縣北一里後魏於此置閔名濟州閔隋末廢

劉公橋架濟水在縣東二十七里宋武帝伐燕過此造橋

故俗呼為劉公橋隋末廢貞觀元年重造長十二丈濶一

丈二尺

東阿縣縣南至州五十里

本漢舊縣也春秋時齊之柯地左傳曰公會齊侯於柯注曰此柯今濟北東阿齊之柯邑猶祝阿也漢志東阿縣屬東郡都尉理晉屬濟北國開皇三年屬齊州天寶十三載濟州廢縣屬鄆州

魚山一名吾山在縣東南二十里瓠子歌曰吾山平兮巨野溢魚沸鬱兮近冬日即此山也曹子建每登此山有終焉之志及亡葬於山下

穀城山在縣東三十二里黃石公出一編書與張良曰後十三年孺子見我濟北穀城山下黃石即我也其處焉

東阿故城在縣西二十里漢東阿縣城也晉太康後省魏志程昱謂范令新允曰曹使君智殆天所授君必固范成守東阿則田單之功可立謂此城也水經注曰東阿大井巨若輪深七八丈每歲取此水煮膠入貢本草所謂阿膠也

陽穀亭在縣東南四十二里左傳齊桓公會諸侯于陽穀是也

項羽墓在縣東二十七里初羽為魯公羽死後魯猶為楚守漢王示以羽首魯乃降羽死乃以公禮葬於此

鄆城縣縣東北至州一百里

本漢壽良縣地在傳曰晉人執季文子於苕邱還待於鄆
按古鄆城即今縣是也漢魏皆為壽張縣地開皇四年改
為萬安縣十六年於此置鄆城縣貞觀八年移鄆州於須
昌縣鄆城依舊

黎邱在縣西四十五里春秋時黎侯寓於衛因以為名黎
之臣子諷衛侯歸國作詩曰胡為乎泥中蓋惡其卑濕也

鉅野縣

望西北至州一百二十里

本漢舊縣也屬山陽郡鉅野澤在縣東五里即魯西狩獲
麟處武德四年於此置麟州其地以是獲麟之地故以為
名五年廢麟州以縣屬鄆

獲麟堆在縣東十二里春秋時十四年經曰西狩獲麟大
野澤一名鉅野在縣東五里南北三百里東西百餘里爾
雅十藪魯有大野西狩獲麟於此澤

蚩尤墓在縣東北九陽今山陽鉅野縣有蚩尤肩髀冢按
黃帝殺蚩尤於涿鹿之野身體異處故別葬焉

平陰縣

上西南至州一百二十里

本漢肥城縣地屬秦山郡古肥子國開皇十四年於今縣
西北二十八里置榆山縣大業二年移於今理仍改名平
陰屬濟州天寶十三載州廢縣割隸鄆州
陶山在縣東三十五里范蠡葬處

黃河去縣十里

平陰故城在縣東北三十五里左傳曰晉侯伐齊齊侯禦諸平陰

故長城首起縣北二十九里齊湣王所築燕代謂燕王曰

齊有長城巨防足以為塞是也

左邱明墓在縣東南五十五里

中都上西北至州一百里

一本中都在兗州之末本魯國邑也定公以孔子為中都宰一年四方皆則之禮記曰夫子制於中都四寸之棺五寸之槨由中都宰為司寇故城在今縣西三十九里一名

殷密城至漢以其地為東平陸縣屬東平國齊高帝改平

陸縣為樂平縣隋復改樂平為平陸縣屬兗州天寶元年

改為中都割屬鄆州今却隸兗州

汶水北去縣二十四里又北入西昌縣界

桓水在縣西八十里晉桓溫進軍北次金鄉鑿鉅野三百

里以通舟運自清水入河以是所鑿故曰桓水亦曰桓河

兗州魯郡都督府

開元戶六万七千三百九十七 鄉一百三十三 元和戶

禹貢兗州之域兼得徐州之域春秋時為魯國按武王即位封周公于少昊之墟曲阜之地周公不就封留佐武王

武王崩又相成王其子伯禽乃封就之魯自伯禽至頃公
三十四君為楚考烈王所滅六國時地屬楚秦滅楚以魯
為薛郡漢高后時更為魯國後漢仍為魯國兖州所理
不恒獻帝初平三年移兖州理濟陰之鄆城以魏太祖曹
操為兖州牧魏仍移兖州理東郡之廩丘晉不改永嘉之
後陷于石勒北州流入南渡成帝立南兖州寄理京口宋
武平河南又得其地置兖州後又屬魏宋文帝元嘉八年理
廣陵二十八年理盱眙三十年復理廣陵大業元年于兖
州置都督府二年改為魯州三年改為魯郡十三年為賊
徐圓朗所據武德五年討平圓朗改魯郡置兖州貞觀十

四年改置都督府謹按禹貢導流水東流為濟截河南渡
東與荷澤汶水會又東北入於海兖州在濟河之間因濟
水發源為名今郡理乃非其境至周置兖州始無得今郡
之地而濟水自王莽末入河同流於海則河南之地無濟
水矣自後所說皆習舊名

州境東西三百三十一里
南北三百五十三里
西南至上都一千八百九十五里
八到

西南至兖州四百里
東至沂州三百八十里
西至曹州三百七十里
東南至徐州
西北至鄆州一百九十里
正北微東至齊州三百三十里

貢賦開元 賦 鏡花綾二十疋 防風二十斤
綾 絹 綿

管縣十一

瑕邱 金鄉 魚臺 鄒縣 龔邱 乾封 萊蕪

曲阜 泗水 仕城 中都見鄆州

瑕邱縣郭下

本漢縣屬山陽郡即魯之負瑕邑也左傳曰季康子伐邾

子益來因諸負瑕宋元嘉十三年立兗州理瑕邱城而瑕邱

無縣至隋文帝割鄒縣汶陽平原三縣界立瑕邱縣屬兗州

洙水東去縣二十三里

泗水東自曲阜縣界流入與洙水合

淮王神通營在瑕邱故城中武德五年平賊徐元朗屯兵之處也

又有管國公任瓌薛國公長孫順德原國公史万寶壘列

營相次各周迴五里

堯祠在縣南七里洙水之西

金鄉縣望東北至州一百八十里

本漢東緡縣也屬山陽郡即古之緡國城左傳曰夏桀為

仍之會有緡叛之陳留風俗傳曰東緡縣者故陽武戶牖

鄉也漢丞相陳平即此鄉人也後漢於今兗任城縣西南

七十五里置金鄉縣蓋因穿山得金故曰金鄉屬山陽國

武德四年於此置金州五年廢為戴州貞觀中廢戴州縣屬兗州

昌邑故城在縣西北四十二里其中城周十餘里外城周三十餘里中有鐵柱出地數尺漢景帝三年吳楚趙膠西濟南菑川膠東七國俱反天子命條侯周亞夫將三十六軍擊吳楚亞夫至淮陽問父客鄧都尉策安出客曰莫若引兵東北壁昌邑以梁委吳將軍深溝高壘使輕兵絕淮泗口塞吳饑道吳梁相禦乃以全制其極破吳必矣條侯從之吳王以正月起五月皆破滅即此城也

魚臺縣

上東北至州一百九十里

本漢方與縣屬山陽

郡高齊文宣帝廢開皇年

復置方與縣屬戴州貞觀十七年廢戴州縣屬兗州寶應

元年改為魚臺縣因縣北有魯君觀魚臺故名

縣理城即漢方與城也

菏水即濟水也一名五丈溝西自金鄉縣界流入去縣十里又東南流合泗水泗水東北自任城縣界流入經縣東與菏水合又東流入徐州沛縣界
觀魚臺即武唐亭也在縣北十三里隱公五年矢魚子棠是也

大山府君祠在縣西十二里

鄒縣上

本漢鄒縣地故邾國魯之附庸魯穆公改邾為鄒因鄒山以為縣大業二年改兗州為魯州三年罷魯州為魯郡縣皆屬焉武德五年罷縣屬兗州按邾國之地陸終之子曹姓所封即今鄒縣是也今黃州也又為國之地陸終之後所封蓋陸終有六子蓋為國也

嶧山一名鄒山在縣南二十二里始皇二十六年觀禮于魯刺^石於嶧山晉建武初兗州寄理山上洛陽傾覆郝鑿獲歸州鄒人士並宗附之遂兵推鑿為主與千餘家避難于嶧山中宗假鑿將軍兗州刺史鎮鄒山後為石勒所侵

逼鑿率文武自嶧山奔下邳

鳧山在縣東南三十八里詩曰保有鳧嶧遂荒徐宅即此山也

龍印縣中南至五十里

本漢寧陽縣之地屬泰山郡後漢改屬東平國高齊文宣帝移置平原縣於漢寧陽縣城北十七里今縣理也隋以此縣與德州平原縣同名以縣東南二十里有龍印城遂改為龍印縣屬兗州

青石山在縣西三十里後魏有青石山祠即謂此也其山都是一大石耳發地傑立高四十餘丈週迴三里上有石

池二所東西行列有類人工冬夏澄清初無耗溢祈雨輒
應古今祀之

故汶陽城在縣東北五十四里其城側土田沃壤故魯號
汶陽之田城二年齊歸我汶陽之田即此

乾封縣

上西南至州一百六十里

本齊之博邑延陵季子適齊子死葬于嬴博之間至漢武
帝封禪分嬴博二縣立奉高縣以奉山之祀後魏改博縣
為博平開皇十七年改博平為博城縣乾封元年高宗封
岳析長安以置乾封長安元年廢乃於岱山下改博城縣
為乾封縣屬兗州

泰山一曰岱宗在縣西北三十里

社首山在縣西北二十六里

高里山亦曰蒿里山在縣西北二十五里

徂來山亦曰尤來山詩曰徂來之松後漢赤眉渠帥樊崇
保守此山自號尤來山老

汶水源出縣東北原山西南流經縣南去縣三里又有北
汶瀛汶柴汶牟述征記曰太山即水皆名汶按今縣界凡
有五汶皆源別而流同也

開元十三年冬元宗登封大山登封之夕登封之夕凝氛
昏晦迅風激烈皇帝出齋宮露立以清及明清霽旗幡不

搖事畢至山下日又抱戴明曜五色千官稱賀其日大赦
以靈岳昭感封大山神為天齊王

嶽廟在縣西北三十里泰山之南

萊蕪縣中 西南至州 二百六十里

本漢縣也故城在今淄州東南六十里齊靈公滅萊萊人
流播邑落荒蕪故曰萊蕪後漢范史雲曾為此縣長百姓
歌其清儉日甑中生塵范史雲釜中生魚范萊蕪至晉廢
後魏移古羸縣於此貞觀元年廢入博城縣至長安四年
又於廢羸縣置萊蕪縣取漢舊名也屬兗州
韶山在縣西北二十里其山出鐵漢置鐵官至今彭鑄不

絕

曲阜縣 上西北至 州四十五里

本漢魯縣即春秋時魯國伯禽所都其帝即古炎帝之墟
也自後或為魯國或為魯郡而縣屬焉高齊文宣帝省魯
郡仍於魯城置任城郡開皇三年罷郡仍移汶陽縣理此
屬兗州十六年改汶陽縣為曲阜縣
防山在縣東二十五里禮記曰孔子既得合葬於防此是
也

壽邱在縣東北六里皇甫謐以為黃帝生於壽邱在魯城
東門之北

曲阜在縣理魯城中委曲長七八里今按季子臺及大庭氏庫及縣理城並在其上

洙泗二水東自泗水縣界流入又曲南流經縣北分為二流水側有一城為二水之分會也南為泗水北為洙水二水之間即夫子領後之所居也

沂水亦名雩水源出縣東南八里坳澤俗名連泉澤在縣東九里魯僖公牧馬之地詩曰駟牡馬在坳之野是也

關里在縣西南三里魯城中北去洙水百餘步兩觀在縣東南五十步定二年雉門及兩觀災即家語孔子戮少正卯之處

矍相圃在縣西三里魯城中

孔子墓在縣西北三里魯城之北

靈光殿魯王所造在魯城內按文選漢景帝子名廢封為魯王好理官室西建此殿遭王莽亂宮室被焚建章皆隳壞而靈光殿巋然獨存

泗水縣上西南至州一百里

存漢下縣之地即春秋之靈打地漢下縣之地隋分汶陽縣於此城置泗水縣屬兗州

尼邱山在縣南五十里叔梁紇禱尼邱山而生孔子

梁父山在縣北八十里西按徂來山封禪書曰古者封泰

山禪梁父七十二家

龜山在縣東北七十五里詩曰菴有龜蒙定十一年左傳曰齊人來歸龜陰之田是也

泗水源出縣東陪尾山其源有四四泉俱導因以為名

盜泉源出縣東陪尾高徑山之陰淮南子曰孔子不飲盜

泉

漏澤在縣東七十里此澤漏穴有五皆方丈餘深二丈已

上其澤每夏積水秋冬漏竭將漏之時居人知之不過三

日漏水都盡先以竹木作薄籬圍之水族山積也

荒裘故城在縣北五十五里魯隱公曰使營荒裘吾將老

馬

任城縣縣東至州七十六里

本漢縣也屬東平國古任國太昊之後風姓也僖二十一

年左傳曰任宿須句皆風姓也注曰任今任城縣也魏志

曰文帝封鄆陵侯彰為任城王齊天寶七年移高平郡於

此任城縣屬焉開皇三年罷高平郡屬兗州

承注山在縣東南七十六里云女媧生處按今山下有女

媧廟

桓公溝源出縣理西四十里萌山之下宋武北征記曰桓

公宣武以太和四年率衆平趙魏時道冠軍將軍毛彪生

鑿此溝號曰桓公溝於今四十九年矣溝已填塞公遣寧朔將軍朱超更鑿石通之

女媧陵在縣東南三十九里

魏王桀墓在縣南五十二里

青州北海開元戶五万五千一百三十一 鄉一百二

古少昊氏之墟禹貢青州之地舜時以青州越海遼遠分

為營州禹復置九州武王克商封師尚父於齊營邱周成

王少時命太公曰東至於海西至於河南至於穆陵北至

於無棣穆陵山在今鄒鄒沂水縣界無棣今景城郡屬縣也五侯九伯實得征之至

二十九代為田和所篡和子孫強盛與燕趙韓魏楚俱稱

王五世至建為秦所滅分齊地置瑯琊二郡漢元年東更

為臨淄項羽立田都為王都臨淄其年四月田榮擊都走

楚榮自立為王十二月楚擊榮走平原項羽立田假為

王榮弟橫擊假走楚立田廣為王三年韓信殺廣漢

立韓信為齊王王立年信徙王楚六年以膠東等七十餘

城封皇子肥為齊王傳國至屬王昌國除武帝復封次子

闔為齊王後國除遂以齊為郡領縣十二理臨淄後漢改

齊郡為齊國魏曹明帝封子芳為齊王尋即帝位晉武帝

以弟攸為王子罔嗣永嘉末陷于石勒其後南燕慕容德

建都于此至慕容超宗武帝伐尅之以沈文秀為青州刺

史守東陽城為魏慕容將慕容白曜所陷遂入後魏大業三年罷州為北海郡領縣十隋亂陷賊武德二年海岱平定改為青州置總管府

州境東西二百七十里
南北三百四十里
西南至上都二千四百五里
西南至東都一千五百五里
東南至萊州三百四十五里
東北至密州三百三十里
南至沂州四百五十里
西北至棗州三百二十里

貢賦
開元
賦
綿
絹
東
糖
海物

管縣七

益都 臨淄 千乘 臨朐 北海 壽光 博昌

益都縣 郭望下

本漢廣固縣之地魏於今壽光縣南十里益都城置益都

縣屬齊固宗及後魏屬齊郡開皇三年罷郡縣屬青州

淄水西去縣五十五里

廣固城在縣西四里晉永嘉五年東萊牟平人曹嶷為刺

史所築有大澗甚廣固故謂之廣固初南燕慕容德議所

都尚書潘聰曰青齊沃壤號東秦土方二千里四塞之固

員海之饒可謂用武之國廣固者曹嶷之所營山川阻峻

足為帝王之都德從之及義熙五年宋武征慕容超於廣

固也城側有五龍口險阻難攻兵刀疲弊河間人元文說

裕曰昔趙攻曹疑望風者以為渑水帶城非可攻拔若塞五龍口城當必陷石季龍從之疑請降復五日大雨震雷復開徙舟嶧陽冉閔之亂段龕據之慕容恪攻圍數月不尅又塞五龍口龕遂降後無幾又震開之今舊基猶存宜試脩塞裕從之超及城中男女皆患脚弱病者大半超遂出奔為晉所擒

臨淄縣

縣南至州四十里

古營邱之地呂望所封齊之都也太公後二十九代康公為田和所滅和立為齊侯後稱王立代至王建為秦所滅秦立為縣城臨淄水故曰臨淄自漢至後魏並屬齊郡高

齊省開皇十六年後高陽縣理此改為臨淄縣以屬青州焉

社山在縣西北二十五里一名愚公山有愚公谷在山之陰

牛山在縣南二十五里昔齊景公遊牛山之北望而歎曰美哉國乎古而無死將何去此晏子對曰古而無死則太公丁公之樂也君何與此哉

營邱在縣北百步外城中爾雅曰水出其前經其左曰營邱今臨淄城中有邱淄水出其前經其左故曰營邱葵邱在縣西北二十里桓公會諸侯於此

縣理即古臨淄城也漢齊郡亦理於此蘓秦說齊王曰臨淄城中七萬戶戶不下三人即二十一萬人又燕王謂蘓秦曰我聞齊地清齊濁河可以為固巨防可以為塞漢書田肯曰夫齊東有瑯琊即墨之饒南有大山之固懸隔千里持戟百萬齊得十二焉此東秦也非子弟勿王漢六年封皇子肥為齊王盡得故齊地人能齊言者悉與之

齊雪宮故址在縣東北六里晏子春秋所謂齊侯見晏子于雪宮也

天齊池在縣東南十五里封禪書曰齊之所以為齊者以天齊池也

齊桓公墓在縣東南二十三里鼎定山上貞觀十一年詔致祭禁二十步內不令樵蘓

管仲墓在縣南二十三里

晏嬰墓在縣東北三里貞觀十一年詔十五步並禁樵蘓

千乘縣

上東南至州八十里

本漢舊縣也屬千乘國有鹽官後漢和帝永元七年改千乘國為樂安郡千乘縣仍屬焉武德二年於此置乘州八年廢乘州千乘依舊屬青州千乘者與齊景公有馬千駟畋于青邱今縣北有青邱縣因以為名

淄水南去縣二十八里

臨朐縣上北至州四十里

本漢縣也屬齊郡縣東有朐山因以為名開皇六年改為遼山縣屬青州取縣西遼山為名大業二年又改為臨朐縣

朐山在縣東南二里

遼山在縣西二十二里

破車峴在縣東南三十五里按峴高七十丈週迴二十里道徑險惡因名破車峴

北海縣緊西北至州一百三十里

本漢平壽縣也屬北海郡隋開皇三年罷郡置下密縣於

廢郡中屬青州十六年又於此置濰州取界內濰水為名

大業二年廢濰州仍改下密縣為北海縣

海水在縣東北一百二十里禹貢曰海岱惟青州今按海

接萊州西接壽光縣界

濰水南去縣五十五里

膠水東去縣八十五里與萊州膠水縣中分為界

公孫弘墓在縣西

壽光縣緊西南至州七十里

本漢舊縣也屬北海郡後漢改屬樂安郡宋為壽光縣隋開皇六年於縣北一里博昌故城置壽光縣屬青州武德

二年屬乘州八年廢乘州還屬青州

海水在縣東北一百十里東接北海縣界西接博昌縣界

淄澠二水西自千乘縣界流入去縣四十里

博昌縣上東南至州一百二十里

本漢舊縣屬千乘國昌水其勢平博故曰博昌後漢千乘國為樂安郡博昌縣仍屬焉晉宋後魏並同高齊省仍自今縣東十二里樂陵故縣移樂陵縣理此屬樂安郡隋開皇五年罷郡樂陵縣屬青州十六年改為博昌縣

濟水北去縣百步又東北流入海

海浦在縣東北二百八里即濟水東流入海之處水口謂

之海浦

薄姑故城在東北六十里齊舊都也

齊州上齊郡開元戶四萬九千一百五十七

禹貢兗州之域春秋及戰國時屬齊國秦并天下為齊郡漢分齊郡立濟南國今州即濟南國之歷城縣理也景帝三年為齊南郡理東平陵屬青州晉永嘉之後郡移理歷城即今州理是也後為石勒所據慕容氏亦有其地義熙五年劉裕平之宋元嘉九年分青州立冀州應歷城後魏將慕容白曜攻下歷城文帝改冀州為齊州與濟南郡並理隋開皇十三年罷郡以所領縣屬齊州大業三年罷州

為齊郡隋末陷于寇賊武德元年海岱平定罷郡復州

州境東西三百八十二里

八到西南至上都二千一百五里

西至淄州一百九十里

正南微西至兗州三百三十里

東北渡河至棣州三百五十里

貢賦開元 賦 綿 絲 葛 絹

晉縣九

歷城 全節 章丘 亭山 臨邑 臨濟

長清 豐齊 禹城

歷城縣郭下

古齊歷下城對歷山之下漢為歷城縣屬齊南國晉屬南

郡開皇三年罷濟郡縣屬齊州華不注山一名華山在縣

東北十五里齊晉戰於鞍齊敗績晉遂之三周華不注

州理城古歷下城也左傳晉平公伐齊戰于歷漢書酈食

其說齊王田廣罷歷下軍守脩韓信渡平原襲破歷下因

入臨淄述征記曰歷城到營城三十里自城以東水瀰漫

數十里南則迫山寔為險固也

神通寺在縣東七十里琨瑞山中苻秦時河門竺僧朗隱

居也朗少事佛圖澄光明氣緝隱于此谷因謂之朗公谷

全節縣 上西南至
州七十里

本春秋譚國之地齊滅之漢以為東平陵縣屬濟南郡宋省東
字後魏為東陵至周省其全節縣本是隋末工人李滿率
鄉人據堡贍以家財武德二年歸國于堡置譚州及平陵
縣以滿為譚州總管貞觀元年廢譚州縣屬齊州十七年
燕亮構之滿及男君球固守賊平縣廢有詔重置縣改名
全節以旌其功焉

濟水在縣北四十里

巨合城在縣東南二十三里耿弇討張步守巨里即此城也

章邱縣 上本漢陽邱縣也屬濟南郡高齊文宣天寶七年

自高唐故城移高唐縣理於此開皇十八年以博州亦有
高唐縣改為章邱縣屬徐州取縣南章邱山為名也武德
二年屬譚州貞觀元年廢譚州又屬徐州

東陵縣在縣南二十八里莊子曰盜跖死于東陵之上

龍盤山在縣東二十五里上有神迹是姜嫄所理處

長白山在縣東南三十里高二千九百丈週迴六十里

濟水西去縣十七里

縣理城即黃巾城也在濟水之南岸漢獻帝建安中黃巾
賊張南之所守也

亭山縣 上西北至
州九十里

本漢平陵縣地宗于此置衛國縣屬頓丘郡開皇六年改為亭山縣屬齊州縣東南有亭山因以為名

長白山在縣東北六十里齊記曰於陵城西三里有長白山陳仲子夫妻所隱也

百脉水出縣東北平地水源方百餘步百泉俱出合流故名之

臨邑縣

上南至州六十里

本漢舊縣屬東郡至晉屬濟北國宗孝武帝孝建二年立東魏郡理臺城以臨邑縣屬焉開皇三年罷郡臨邑縣屬齊州武德二年屬譚州貞觀元年廢譚州屬齊州

黃河在縣北七十里

濟水西去縣四十里

漂水北去縣七里

鹿角關在縣西北七十里大業三年廢

臨濟縣上西南至州一百二十里本漢管縣屬濟南郡開皇六年移朝

陽縣理于此屬濟州十六年改為臨濟縣

黃河在縣北八十里

濟水在縣南二十里

長清縣

上東北至州八十里

本漢盧縣地開皇五年於此置鎮十四年廢鎮置長清縣

屬濟州因清水為名貞觀十七年廢濟州屬臨濟州縣
隔馬山在縣東南三十五里左傳曰晉侯伐齊師道風

●衛斬馬于隘以塞道後因為隔馬山

黃河北去縣五十五里

濟水北去縣十里

清水西南去縣十里

清溝泊在縣西南五里東西三十里南北二十五里水族
生焉敷州取給

廢四口關在縣西南五十里後魏置武德九年廢

石窰故城在縣東三十里

豐齊縣上東北至
州四十里

本漢荏縣也取縣東北荏山為名屬泰山郡大業二年省
入歷城縣武德元年重置天寶元年改為豐齊縣

岐陽山在縣東南五十里

濟水西去縣二十六里

祝阿故城在縣東北二里禮記曰武王克殷封黃帝之後
于祝即此

禹城縣上東南至州
一百五十里

本漢祝阿縣春秋時齊邑漢以為縣為平原郡開皇十六
年改屬濟州天寶元年改名禹城縣以縣西南三十里有

禹息故城因名在州西北八十五里

元和郡縣志卷第十終

元和郡縣圖志卷之十一

河南道七

曹州 濮州 密州 海州 沂州 萊州 淄州

登州

曹州 濟陰 開元戶七萬三千一百二十一 鄉一百四十九

禹貢豫州之域於周人為曹國之地後屬於宋左傳哀八年宋景公滅曹按曹國之地後北三十七里濟陰縣界故定陶城是也七國時屬齊宋為楚魏所滅三分其地齊得其濟陰東平漢為濟陰郡之地在濟水之南故以為名景帝中六年別為濟陰國宣帝甘露二年更名定陶哀帝更

為濟陰郡屬兗州後魏於定陶城置西兗州周武帝改西兗州為曹州取曹國為名也大業三年改為濟陰郡隋亂

陷賊武德四年平孟海公復為曹州

州境東西二百五十九里

八到西至上都一千五百二十五里

西至東都六百六十五里

西南至汴州二百四十五里

東至兗州三百七十里

東北至鄆州三百三十里

東南至宋州一百五十里

西北至滑州二百里

晉縣六

濟陰 寬句

乘氏 成武

南華

考成

貢賦綿絹大蛇葶藶

濟陰縣繫下本漢定陶縣之地屬濟陰郡開皇六年於此

置濟陰縣屬曹皇朝因之

曹南山在縣東二十里詩所謂蒼兮蔚兮南山朝隳是也

汜水在縣南昔漢高祖既定天下即位于汜水之隄張晏

曰汜水在濟陰界取其汎受弘大而潤下按今汜水縣東

亦有高祖即位擅據叔孫通傳云高祖為皇帝通於定陶

就其儀在濟陰是也

荷澤在縣東北九十里故定陶城東北禹貢曰道于荷澤被

孟豬

州理中城蓋古之陶邱也一名左城帝王世紀舜陶于河

濱即禹貢之陶邱今濟陰西有陶邱是也爾雅曰丹城為陶邱成猶重也定陶故城堯所居也

古曹國在縣東北四十七里堯先居唐後居陶故曰陶唐氏史記曰曹叔振鐸者周武王弟封于曹哀八年宋滅曹執曹伯陽自曹叔至伯陽凡十八葉又范蠡相越平吳後夏姓名為朱公居於陶號朱公亦此地也

莘仲故城在縣南三十里蓋古之莘國也伊尹耕於莘野湯聞賢聘以為相即此地也

三駸亭古國也在縣東北四十九里湯伐桀遂伐三駸俘厥寶至注曰三駸國名今定陶是也

寬句縣縣東至州四十七里本漢舊縣也漢初屬梁國景帝時屬濟

陰郡開皇三年罷郡以縣屬曹州

煮棗故城在縣西北四十里漢書樊噲攻煮棗屠之是也

濟陽故城在縣西南五十里漢濟陽縣也光武以建平元年生於濟陽縣明照一室是歲有嘉禾生一莖九穗大于凡禾因名秀光武皇考為濟陽令

袁奉初故城在縣北七十里袁紹所築

乘氏縣縣南至州五十四里本漢舊縣也屬濟陰郡開皇三年罷郡

以縣屬曹州大業末年廢武德四年重置

孟海公南北二城在縣東四十五里隋末賊帥孟海公所

築

成武縣

州一百里西至

本漢舊縣也屬山陽郡後漢改屬濟陰

郡隋於此置戴州成武縣屬焉大業二年省戴州縣移理

州城中復屬曹州武德五年於金鄉縣重置戴州縣又屬

焉貞觀十七年廢戴州縣又屬曹州

故柘城在縣西北二十九里昭帝封金日磾為柘侯

南華縣

上東南至州

本縣離狐縣也屬東郡舊傳所置縣

在濮水南常為神狐所穿穴遂移城濮水北故曰離狐後

漢屬濟陰郡魏志李興從太祖遷離狐太守然則魏時離

狐郡也晉屬濟陰郡開皇三年罷郡縣屬曹州天寶元年

改曰南華英公李勣左僕射彭城郡公劉晏皆此縣人

濮水在縣南五里昔殷紂使師延作靡之樂武王伐紂師

延至濮投水而死謂此水也

考城縣

州九十五里西南至

古戴國也春秋隱十年宋人衛

人伐戴後屬宋楚滅宋改名曰穀漢以為菑縣國都城記

曰縣西南有戴水今名戴陵周回可百餘里蓋本戴國取

此敗水為名也漢之興也其邑多菑年數不登故邑曰菑

孝章柴于岱宗過菑縣詔御史曰陳留菑縣其稱不令故

高祖鄙栢人之名武帝休聞喜而顯獲嘉祥耳改菑縣為

考城縣至晉屬濟陰郡高齊天保七年省考城縣仍移城

安縣理此開皇十六年改名考城縣屬宋州武德五年改屬曹州

蔡邱在縣東南一百五十步左傳齊桓公會諸侯于蔡邱是也

大剗陂則戴陂也在縣西南四十五里周回八十七里與

宋州襄邑縣中分為界

濮州濮陽開元戶四萬六千九百二十一 鄉九百十三

禹貢兗州之域春秋時為衛國地在傳齊桓公會諸侯于

鄆注曰鄆衛地今東郡鄆城縣也戰國時屬齊在漢為濟

陰郡之鄆城也後漢獻帝於此城置兗州晉置濮陽郡後

改濮陽國封王子充為王後為郡開皇十六年于此置濮

州大業三年廢濮州大東平郡隋末陷于寇賊武德四年

討平王充于此重置濮州

州境東北二百三十五里

八到西南至上都一千六百五十五里

西南至東都七百九十五里

東北至鄆州一百七十里

南至曹州二百十里

北至黃河二十里

西南至滑州二百十五里

貢賦開元 賦 絹 二十足

管縣五 鄆城 雷澤 臨濮 濮陽 范縣

鄆城縣縣下本漢舊縣屬濟陰郡開皇十六年于此置濮州鄆城縣屬焉大業三年廢濮州縣屬東平郡武德四年重置濮州黃河北去縣二十一里

州理城在故鄆城中魏文帝以臨淄侯植為鄆城侯

雷澤縣州上西北至本漢鄆陽縣古鄆伯國周武王封弟季

載于鄆漢以為縣屬濟陰郡開皇六年於此置雷澤縣因

縣北雷夏澤為名也屬濮州

歷山在縣西北十六里史記曰舜耕歷山耕者讓畔

灘沮二源俱出縣西北平地去縣十四里

雷夏澤在縣北鄆外灘沮二水會同此澤

姚墟在縣東十三里舜生于姚墟

堯母廟在縣西南四里

堯陵在縣西三里自堯即位至永嘉三年二千七百二十

一年記于碑貞觀十一年有詔禁人芻牧春秋奠醑

臨濮縣州上北至本漢鄆陽縣地屬山陽縣開皇十六年

分鄆城南界雷澤西界置臨濮縣置濮州南臨濮水故以

為名大業二年廢武德四年重置

清邱在縣西三十五里

濮陽縣州上東至本漢舊縣也古昆吾國即帝邱顓頊之

墟也昆吾即夏諸侯為五伯之首左傳曰狄滅衛遷于帝

邱衛侯自楚邱徙濮陽縣秦置東郡理此漢仍為東郡及濮陽縣也開皇十六年改屬濮州

黃河北去縣十五里

瓠子河上承黃河漢書武帝時河決瓠子東南注鉅野通於淮泗上使汲黯鄭當時與人徒塞之堤復壞是時武安侯田蚡奉邑食餼在河北河決而南則蚡無水災乃言江西之決乃天事也非易以人力塞之乃不復塞後二十餘歲之比不登梁楚尤甚上使汲人郭昌率卒數萬人塞瓠子決河流白馬玉璧自將軍以下皆負薪下淇園之竹以為健上悼功之不成乃作歌於是卒塞瓠子築宮于其上

名曰宣房其後王尊為東郡太守河水盛溢泛浸瓠子金堤尊躬率佐吏沉白馬初水神親執玉璧請神尊立不動而水漸退

范縣上西南至州六十里本漢舊縣屬東郡春秋時晉大夫士會之邑也高齊廢開皇六年又置范縣屬濟州十六年改屬

濮州

故傾城在縣東二十八里夏之傾國也詩曰韋傾既伐昆吾夏桀注曰三國黨于桀皆為湯所誅

密州高密中

禹貢青州之域兼得徐之地今州界于春秋之時為莒魯

之地戰國時屬齊秦并天下屬瑯琊郡漢高帝十六年分齊立膠西國都高密宣帝更名高密國後魏永安二年分青州立膠州取膠水為名也開皇五年改膠州為密州取境之密水為名也隋亂陷賊武德五年山東底定改置密

州

州境東西三百十六里南北三百九十里

八到西至上都二千七百四十五里西至東都一千八百八十五里南至海州三百八十四里西南至沂州三百七十里西北至青州三百三十里東北至萊州三百四十五里東至大海一百六十里

貢賦開元
賦貢
細布
牛黃
海蛤
官縣四
諸城
高密
輔唐
莒縣

諸城縣上本漢東武縣也屬瑯琊郡樂府章所謂東武吟者也後漢屬瑯琊國晉屬東莞郡後魏屬高密郡隋開皇十六年改東武為諸城縣取縣西三十里漢故諸縣城為名瑯琊山在縣東南百四十里史記曰始皇二十六年滅齊遂登瑯琊作層臺于山上謂之瑯琊臺周回二十里秦皇樂之因留三月徙點首二萬戶于山下復十二年刊石立碑紀秦功德海在縣東一百五十里

諸城

諸城縣上本漢東武縣也屬瑯琊郡樂府章所謂東武吟者也後漢屬瑯琊國晉屬東莞郡後魏屬高密郡隋開皇十六年改東武為諸城縣取縣西三十里漢故諸縣城為名

瑯琊山在縣東南百四十里史記曰始皇二十六年滅齊

遂登瑯琊作層臺于山上謂之瑯琊臺周回二十里秦皇

樂之因留三月徙點首二萬戶于山下復十二年刊石立

碑紀秦功德海在縣東一百五十里

盧水出縣東南廬山側有勝火木野火燒死其炭不灰故東方朔有謂不灰之木者也

縣理東南一百三十里濱海有鹵澤九所煮鹽今古多收其利

灘州故堰在縣東北四十六里昔以為塘方二十餘里溉水田萬頃

高密縣

上西南至州百二十里本漢舊縣也文帝十六年分齊立膠

西國封齊悼惠王子印為膠西王都高密世祖封鄧禹為高密侯高齊文宣帝省高密縣開皇中復置屬密州海在縣東南六十里

濰水在縣西南自諸城縣界流入去縣四十里昔韓信與楚將龍且夾濰水而陣信為萬餘囊盛沙過水引軍擊之信偽退且追比信決水且軍半不得渡遂斬龍且膠水在縣東三十里

夷安澤在縣北二十里周回四十里多麋鹿蒲葦

龍且城在縣西南五十五里楚將龍且所築也

鄭元墓在縣西七十里

輔唐縣

上東南至州一百二十里本漢安邱縣也屬北海郡後漢為北

海郡有渠邱亭故莒渠邱公所居也高齊文帝天寶七年省隋分昌安縣置牟山縣大業二年改牟山縣為安邱縣

取漢書舊名也屬密州乾元二年改為輔唐縣
牟山在縣西南十三里牟山縣取名于此

浯水堰三齋記曰昔者堰浯水南入荆水灌田數萬頃今
尚有餘堰而稻田畦畛存焉

莒縣上東北至州一百九十里故莒子國也漢為莒縣文帝二年封朱

虛侯章為城陽王都莒後魏亦以莒縣屬東莞郡開皇三

年廢郡莒縣莒州大業三年罷莒州以莒縣屬瑯琊郡

武德五年重置莒州縣屬焉貞觀八年廢莒州以縣屬密

州

濰山在縣東北八十三里濰水所出也

縣理在莒國故城中城三里並皆崇峻惟南開一門

子城方十二里郭周圍四十里

故曹公城在縣南七十二里昔魏太祖征陶謙拔五城略

地東海于此築城周圍四里

漢海曲縣在縣東一百六十里屬瑯琊郡有鹽官地有東

呂鄉東呂里大公望所出也王莽末海曲縣有呂母者其

子為縣令枉殺乃散財以招少年少年感母恩問母所欲

其言之乃共起兵殺縣令其後屯結至數萬赤眉之興由

此始也今東海縣有呂母園即舊集之所也

海州東海 開元戶二萬三千七百二十八 御四十

禹貢徐州之域春秋時魯國之東鄙七國時屬楚秦置三十六郡以魯為薛郡後分薛郡為郯郡漢改郯為東海郡領三十七縣理在郯縣屬徐州後漢以為東海國封皇子疆為王晉惠帝封高密王子越為東海王梁武帝末長江北北悉附後魏武定七年改青冀二州為海州高齊文宣帝移海州理瑯琊郡改瑯琊郡為朐山郡隋末喪亂滅君桓竊據之武德四年君相以郡歸順改為海州

州境

東至西一百九十八里

八到

西至上都取沂亮路二千五百五里

東南至揚州七百里

東南至泗州連水縣取官河水路三百四十二里陸路二百五十二里

貢賦

西北至沂州二百三十里
西至徐州取下邳路五百六十里
北至密州三百八十四里
東至海州二十里
開元賦貢楚布絹綿

管縣四

朐山 東海 沐陽 懷仁

朐山縣郭下本漢朐山縣也屬東海郡後周武帝建德六年改朐山縣為朐山郡取界內朐山為名也開皇三年廢郡屬海州

羽山在縣西北一百里書曰殛鯀于羽山即此也
碩濩湖在縣南一百四十二里

龍且故城在縣南六十里

鍾離昧故城在縣南一百里項羽將鍾離昧所築昧即此縣人

東海縣

上西至州水路九十里

本漢贛榆縣地俗謂之鬱州亦謂之

曰橫島宋明帝失淮北地乃于鬱州上橋立青州地後入

魏改青州為海州又于此置臨海鎮高齊廢臨海鎮周

武帝復置東海縣後遂因之

小高山在縣北六十里田橫弟避漢所居之山也其山三

面絕壁皆百餘仞惟東面一道為客行人

大海在縣東二十八里

贛榆故城在縣北四十九里隋末土人臧君栢築

田橫國在縣北五十七里齊王田廣既死田橫乃代立為

王與淮嬰戰于贏下橫敗走與其屬五百人入居海島即

此也

沐陽縣

中東北至州一百六十里

本漢厚邱縣地文帝元嘉四年於此

置縣屬南彭城郡至太清二年地入魏孝帝改為沐陽郡

在沐水之陽故以為名仍於郡東置懷文縣周武帝改懷

文縣為沐陽縣

沐水西自下邳縣界流入經縣南十步

碩濩湖在縣東八十里與朐山連水三分湖為界

懷仁縣

中東南至州九十里

本漢贛榆縣地梁于此置北海郡後魏

改置義唐郡開皇初廢郡移懷仁縣理於此改屬海州

贛郡故城一名鹽倉城在縣東北三十里漢縣也屬瑯琊

郡

沂州中瑯琊開元戶二萬七千四百

御五十五

禹貢徐州之域春秋時為齊地秦并天下置瑯琊郡因瑯

琊山以為名也漢因之高后立管陵侯劉澤為瑯琊王

帝元年徙澤為燕王以瑯琊為郡晉武帝咸寧二年改封

東海王睿為王即帝位于江東是為東晉元帝元帝于

郡城置登于成以南軍鎮之自永嘉之後瑯琊陷于胡寇

成帝于丹陽江乘縣界別立南瑯琊郡至宋武得河南尋

又沒于後魏莊帝置北徐州瑯琊郡屬焉周武帝改北齊

州置沂州以州城東臨沂水因以名之大業十三年亂離

郡為徐圓朗所破武德四年討平圓朗復置沂州

州境東西三百二十一里

八到西南四百二十九里

西至上都二千二百七十五里

東南至東都一千四百一十五里

西至兗州三百八十七里

北至青州四百五十七里

西至徐州三百五十七里

東至密州三百七十里

西北至淄州五百三十里

貢賦開元

賦貢

紫石英

黃銀

管縣五

臨沂 沂水 費縣 承縣 新泰

臨沂縣聖上本漢舊縣也屬東海郡東臨沂水故名之後漢改屬瑯琊國晉屬瑯琊郡高齊省開皇末復置屬沂州沂水在縣東一里

王僧辯城在縣東北五十里梁將王僧辯屯兵于此

王導故宅在縣東北三十八里

沂水縣上南至本漢東莞縣即春秋莒魯所爭之鄆邑

也陽城姑幕縣南有員亭即鄆也俗變其字耳後魏孝文帝于此置新泰縣開皇四年改為東安縣十六年又于古

蓋城別置東安縣而此改名沂水縣

沂山在縣北一百二十四里周禮青州其鎮沂山

穆陵山在縣北一百九十里晉仲曰賜我先君履南至于穆陵是也

大峴山在縣北九十里宋高祖北伐慕容超大將公孫五樓說超曰吳兵輕銳難以爭鋒宜斷大峴使不得入上策也超曰引師過峴我以鐵騎蹙之此成擒身不從宋高祖兵遂得入初是役也或曰若嚴守大峴軍無所資何能自返高祖曰鮮卑性貪且愛其穀必將引我兵一入大峴我何患焉及師過大峴高祖喜曰天贊我也遂大破之五緝

之從征記曰大峴去半城八十里直度山二十五里崖坂峭曲石徑幽危四岳三塗不足過也

電山在縣西北二十八里出紫石英好者表裏映徹形若電狀故名電山今猶入貢

成平公營在縣一百五十六里周武帝拔鄴城齊王高緯先送其母妻子青州是日緯率千騎走青州周遣大將軍

成平公尉遲勤率二千騎追之擒緯於青州南之雙溝周因授之以青州總管立碑紀功

費縣上東南至古費國也州九十里隱元年傳曰費伯帥師成即後為魯季氏之邑至漢為費縣屬東海郡自宋至隋皆屬

瑯琊郡大業末為賊潘當所破武德四年重置屬沂州蒙山在縣西北八十里楚老萊子所耕之處

東蒙山縣西北七十五里論語曰今夫顓臾昔者先王以為東蒙主

南城縣城在縣南九十里史記齊威王使檀子守南城則楚人不敢為寇是也

承縣上東北至州本漢之承縣春秋時鄆國也屬東海郡開皇三年罷郡承縣屬徐州大業十三年縣為山賊左

君衡所破武德四年又于此置鄆州又改蘭陵縣為承縣貞觀八年廢鄆州縣屬沂州縣西北有承水因以為名

抱犢山在縣北六十里壁立千仞頂寬而有水此山去海三百餘里天氣澄明宛然在目昔有遁隱者抱一犢于其上墾種故以為名山高九里週迴四十五里

蘭陵縣城在縣東六十里史記曰荀卿以儒者適楚春申君以為蘭陵令因家焉

縣界有陂十三所竝貞觀元年以來脩立以溉田焉

新泰縣 上東南至州 春秋時魯平陽邑也宣八年城平

陽晉武帝太始中鎮南將軍羊祐此縣人也表改為新

泰縣屬泰山郡隋開皇四年屬莒州大業二年廢莒州以

縣屬沂州

蒙山在縣東南八十八里書曰蒙羽其藝

障山在縣東八十里出銷石：旺炬火等石居人常採為

貨

萊州 東萊 開元戶二萬三千一百五

鄉四十三

禹貢青州之域即古萊子國也齊滅之遷萊子於郟在齊

國之東故曰東萊漢高帝四年韓信虜齊王廣分齊郡置

東萊郡領縣十七理掖縣屬青州後魏獻文帝分青州置

光州取界內光水為名開皇二年改光州為萊州

賊武德四年討平綦順復為萊州

州境 東西四百二十八里
南北二百四十一里

八到 西南至上都二千七百六十里

正南微西至密州三百四十五里

貢賦 開元 賦 貢 黃銀 文蛤 牛黃 滑石器

管縣四 掖縣 即墨 昌陽 膠水

掖縣 郭下本漢舊縣也屬東萊郡按掖水出縣南三十里寒

同山故縣取為名開皇三年罷郡屬萊州

萬里沙在縣東北三十里郊祀志武帝元封元年大旱禱

萬里沙

浮游島在縣西北四十里遙望島在海中若浮游然故名

海水在縣北五十二里

膠水西去縣七十五里

海神祠在縣西北十七里

即墨縣 中 西北至州 本漢舊縣屬膠東國城臨墨水故

白即墨高齊文宣帝併入膠水縣開皇末又于此置即墨

縣屬萊州

大勞山小勞山在縣東南三十八里晏謨齊記曰太白自

言高不如東海勞昔鄭康成領徒于此

壯武故城在縣西六十里晉封張華為壯武侯

海在縣東四十三里又在縣南百里

昌陽縣 上 西北至州 本漢舊縣也屬東萊郡置在昌水

之陽故名曰昌陽有鹽官開皇二年罷郡昌陽郡屬萊州

黃銀坑在縣東一百四十里開皇十八年年州刺史辛公義

於此坑冶鑄得黃銀獻之大業末貞觀初更沙汰得之

奚養澤在縣西北四十里職方氏幽州其澤菽曰奚養

膠水縣 中 北至 本漢膠東國之地後漢省膠東國為膠

東縣屬北海國後魏屬北海郡開皇三年罷郡屬萊州仁

壽元年改為膠水縣

即墨故城在縣東南六十里古東齊之地史記蘓秦曰齊

東有瑯琊即墨之饒此其處也齊湣王時燕將樂毅伐齊

下七十餘城唯莒即墨不下田單設奇策破燕軍迎襄王

於莒盡復齊地封單為安平君漢書曰漢元年項羽徙齊

王田市于即墨為膠東王田榮怒殺田市于即墨自立為王

遂并三齊之地漢膠東郡領八縣理即墨即此城也

平度故城在縣西北六十七里城西北有土山古今煮鹽

處

淄州 上 開元戶三萬七千四百四 鄉七十一

禹貢青州之域周之九州為幽州之境職方氏出

淄澗州蓋取淄水為名也春秋及戰國時屬齊秦為齊郡

之地在漢為濟南郡之般陽縣也開皇十六年于今理改

置淄州隋亂陷賊武德元年重置淄州

州境東西一百八十五里

八到西南至上都二千二百九十五里

東至青州一百二十里

西北至文州三百七十里

北渡河至棗州二百十里

東南至沂州五里

貢賦

開元

賦

綿防風

絹

米粟

管縣五

淄川

長山

鄒平

濟陽

高苑

淄州縣

郭下

本漢般陽縣也屬濟南在般水之陽故名後

漢屬齊國晉省宋于此置貝邱縣開皇十八年改貝邱為

淄川縣屬淄州

淄水出縣理東南原山去縣六十里俗傳禹理水功畢土

石墨數里之中波流若漆故謂之淄水

長山縣

上東南至州六十四里

本漢於陵縣地也宋武帝于此立武

強縣開皇十八年改武強為長山縣取長白山為名屬淄

州武德元年置鄒州縣又屬焉八年廢鄒州依舊淄州

長白山在縣西南四十里

濟水西北去縣三十五里

鄒平縣

上東南至州一百二十里

本漢舊縣也屬濟南郡開皇三年自

梁鄒城移平原縣入鄒平城屬齊州今理是也十六年改

屬淄州十八年改平原縣為鄒平縣復舊名也

黃河西北去縣八十里

濟水南去縣三十五里

濟陽縣上東南至本漢梁郟縣也屬濟南郡隋又于後

漢梁郟城地置濟南縣大業二年省景龍元年於漢梁郟

城置濟陽縣屬淄州

八會津在縣南一里相傳水陸所湊其路有八故名

濟水在縣南又東北入高苑縣界

高苑縣上南至州本漢舊縣也屬千乘國後漢屬安樂

國宋于此置長樂縣屬渤海郡十八年改為會城縣大業

三年改為高苑縣取縣東南高苑故城為名隋末陷賊武

德元年重置高苑縣屬郟州八年廢郟州縣屬淄州

濟水北去縣七十步

千乘故城在縣北二十五里漢千乘國也

登州東開元戶一萬八千五百三十三鄉三十六

禹貢青州之域古萊子之國春秋齊侯滅萊至漢為東萊

郡之地後魏孝靜帝分東萊於黃縣東一百步中郎故城

置東牟郡高齊廢開皇三年改置牟州大業三年廢武德

初又置因文登縣人不從賊黨遂于縣理置登州

州境東西五百六十里

八到西南至上都三千里

西南至東都二千一百四十里

北至海三里
西至海四里當中國往新羅渤海過大路
正北微東至大海北岸都里鎮五百二十里
東至文登縣界大海四百九十里
東南至大海四百六十里
南至萊州昌陽縣二百里
南至大海六十里
貢賦開元
賦牛黃
麻布
水苾席

管縣四
蓬萊
年平
文登
黃縣

蓬萊縣中下本漢黃縣之地屬東萊縣郡昔漢武帝于此望
蓬萊山因築城以蓬萊為名在黃縣東北五十里貞觀八
年于此置蓬萊鎮神龍三年析黃縣置蓬萊縣在鎮南
一里即今登州所理是也

年平縣中
州二百里西至
本漢縣也屬東萊郡有鐵官鹽官在年
山之陽其地夷坦故曰年平漢書齊悼惠王子將閭為年

平侯後屬萊州武德四年于中郎城置年州年平縣屬焉
貞觀元年年州及縣俱廢麟德二年析文登縣于此重置

年平縣屬登州

文登縣上
三百二十五里西北至州
本漢年平縣也屬東萊郡高齊後
帝分年平置文登縣屬長廣郡取縣界文登山為名開皇
三年廢長廣郡文登縣屬萊州武德元年改屬登州

之果山在縣西北一百九十里史記曰秦始皇三十九年
登之果刊石紀功封禪書曰齊有八祠之果為陽主

成山在縣東北一百八十里史記曰始皇二十九年又東遊
登成山升之杲勒石紀功郊祀志曰齊有八祠成山為日

主封禪書曰七日日主祠成山

文登山在縣西北九十里

海在縣南六十里縣東一百八十里三面俱至于海縣東

北海中有秦始皇石橋今海中時有堅石似柱之狀

東牟故城在縣西北一百十里漢高后二年封齊悼惠王

子興居為侯

不夜故城在縣東北八十五里屬東萊郡春秋時萊子所

置初築此城有日夜出故名之

黃縣

中東北至
州九十里

本漢舊縣屬東萊郡開皇三年罷郡屬

萊州武德四年屬牟州神龍三年置登州黃縣割屬烏漢

書曰秦欲攻匈奴運糧使天下飛芻輓粟起于黃睡瑯琊

負海之郡轉輸北河率三十鍾而致一石

黃即今黃縣睡
即今文登縣屬

東萊郡睡直瑞及北河朔方已北六斛四斗日

鍾計道路所費比百九十二斛乃致粟一石

萊山在縣東南二十里封禪書曰齊之八祠六日月主祠

之萊山

故黃城在縣東南二十五里古萊子之國春秋傳曰齊侯

滅萊杜注曰今萊黃縣是也
大人故城在縣北二十里司馬宣王伐遼東造此城運糧

船從此入今新羅百濟往還常由于此

蓬萊鎮在縣東北五十里

海瀆祠在縣北二十四里大人城上

元和郡縣志卷之十一 終

元和郡縣圖志卷第十二

河東道一

河中府

河東郡

開元戶七萬二百七十九

鄉六十五

今為河中節度使理所

晉州五

河中府

絳州

晉州

慈州

隰州

晉縣三十七

都管戶四萬一千三百六十五

禹貢冀州之域按今州本帝舜所都蒲坂也春秋時為魏耿揚芮之地左傳曰晉獻公滅魏以賜畢萬服虔注曰魏在晉之蒲坂畢萬之後十代至文公列為諸侯至惠王僭號稱王至王假為秦所滅今州即秦河東郡地也漢元年

項羽封魏豹為西魏王河東都平陽二年豹降從漢王
在滎陽請歸侍親疾至則絕河津反為楚盡有太原上黨
地九月韓信虜豹定魏地置河東上黨太原郡文帝時李
布為河東守文帝謂曰河東吾股肱郡故特名君耳後魏
太武帝於今州理置雍州延和元年改雍州為秦州周明
帝改秦州為蒲州因蒲坂以為名大業三年罷州又置河
東郡隋將屈突通守河東高祖師次桑泉縣通出守潼關
乃今鷹揚即將堯君素王行本留鎮郡城遂於今桑泉縣
置河東郡武德元年罷郡置蒲州其年堯君素為城人薛
宗李楚客所殺王行本仍堅守不賔二年置蒲州總管三

年行本歸化自桑泉移蒲州於今理九年廢總管置都督
府復為州開元元年五月改為河中府仍置中都麗王殿
學士韓瑛上疏陳其不可至六月詔停後為州乾元三年
又改為河中府大歷中元載為相又上建中都議曰自古
建大功者未嘗不用天因地故高祖保關中光武據河內
皆深根固本以制天下臣等考天地之心本聖人之意驗
古往之事切當今之務則莫若建河中為中都陝號晉
絳汾潞儀石慈隰等十城為藩衛長安去中都三百里順
流而東邑居相望有羊腸底柱之險羊腸在潞州壺關濁
縣東南一百六里
河孟門之限孟門在慈州文城縣西南
三十六里即龍門上口以輶轅為襟帶與

關中為表裏劉敬所謂扼天下之亢而撫其背即此之謂
推是而言則建中都將欲固長安非欲外之也將欲安成
周非欲捨之也將欲置蠻夷非欲懼之也將欲定天下非
欲弱之也河中之地左右王都黃河北來太華南倚總水
陸之形勝鬱關河之氣色每歲白露既降涼風已高陛下
處金城湯池內綏華夏登信臣驍將外馭戎狄出於仲秋
還於農隙有漕濁泛舟之便無登高履險之虞不傷財不
害人得養威而時狩如此則國有保安之所家無係虜之
憂矣疏奏不省初代宗自幸陝之後每歲八九月間京師
恟恟常懼大戎復至將相之家皆裝儲糗為行李之備載

知人情不安遂獻此疏冀因制置竊有兵權議亦宏博盡
當時利害然代宗探見載意議故不行或曰建中都江融
設固險之首篇也融誅後書已不傳不知斯言何自而得

府境東西二百五里
南北一百七十七里

八到
西南至上都三百二十里
東至東都五百八十五里

東北至絳州取相御路二百六十里
東南至陝州二百四十五里

西至同州六十七里
西南至魏州一百八十三里

東南至華州一百十九里
西南至華州一百十九里

貢賦
開元
賦
綿
絹
麻布
漆匣
乾棗
鳳栖梨
龍骨

管縣八
河東河西臨晉猗氏虞鄉寶鼎解縣永樂

河東縣次赤郭下本漢蒲坂縣地也屬河東郡開皇三年罷郡

縣仍屬蒲州十六年移蒲坂縣於城東仍於今理別置河

東縣大業二年省蒲坂縣入河東縣

雷首山一名中條山在縣南十五里

風陵堆山在縣南五十五里與潼關相對

長原一名蒲坂在縣東二里其原出龍骨

河水北自桑泉縣界流入

媯汭水源出縣南雷首山尚書曰釐降二女于媯汭州城

即蒲坂城也城中有舜廟城外有舜宅及二妃壇

故陶城在縣北四十里尚書大傳曰舜陶于河濱

故堯城在縣南二十八里

蒲坂關一名蒲津關在縣西四里魏志曰太祖西征馬超韓

遂夜渡蒲津門即謂此也今造舟為梁其制甚盛每歲徵

竹索價為之橋脚錢數至二萬亦關河之巨防焉

風陵故關一名風陵津在縣南五十里魏太祖西征韓遂

自潼關北渡即其處也

舜祠在州裡舜城中貞觀十一年詔致祭以時灑掃

伯夷墓在縣南三十五里雷首山南貞觀十一年詔致祭

禁樵蕪

河西縣次赤郭下本朝邑縣東地乾元三年因置河中府割朝

邑縣置

臨晉縣次畿西南至府七十四里本漢舊縣地也後魏改為北解縣開

皇十六年分猗氏縣於今理置桑泉縣因縣東桑泉故城

以為名也天寶十二年改為臨晉

河水經縣西四十里

凍水在縣東二十三里

故解城本春秋時解梁城又為漢解縣城也在縣東南十

八里晉惠公許賂秦伯以河外列城五東盡鞏略內及解

梁城

桑泉故城在縣東十三里左傳曰重耳圍令狐入桑泉謂此也

故司空魏國裴寂墓在縣東北十七里

猗氏縣次畿西南至府一百一十里本漢舊縣即猗頻之所居也東魏

恭帝二年改猗氏為桑泉縣周明帝復改桑泉為猗氏縣

屬汾陰郡開皇三年罷郡屬蒲州

凍水經縣南六里

故郇邑在縣西南四里左傳曰晉侯謀去故絳欲居郇瑕

氏之地韓獻子曰郇瑕氏土薄水淺不如新田遂遷新田

即平陽絳邑縣也

虞鄉縣次畿西至府七十里本漢解縣地也後魏孝文帝改置南解

縣屬河東郡周明帝武成二年廢南解縣別置綏化縣武

帝改綏化為虞鄉縣

壇道山一名百梯山在縣西南十一里山高萬仞躋攀者百梯方可升降故曰百梯山南有穴莫測淺深每有勅使投金龍於此無醮焉

王官故城在縣南二里左傳曰秦伯涉焚舟取王官

五老仙人祠在縣西十七里

寶鼎縣次畿南至府一百一十里本漢汾陰也屬東河郡劉元海時

廢汾陰縣入蒲坂縣後魏孝文帝復置汾陰縣開元十一年改寶鼎縣

黃河在縣北十一里趙簡子沉侯臣樂激之所也

汾水北去縣二十五里

右王祠在縣西北十一里

殷湯陵在縣北四十三里

解縣次畿東北至府四十三里本漢舊縣也屬河東郡大業二年省解縣

九年自綏化故城移虞鄉縣於廢解縣理即今縣理是也

武德元年改虞鄉縣為解縣屬虞州因漢舊名也仍於蒲

州界別置虞鄉縣貞觀十七年廢虞州解縣屬河中府

中條山在縣南二十里

鹽地在縣東十里

女鹽池在縣西北三里東西二十三里南北二十里鹽味

小若不及縣東火池鹽俗言北池亢旱鹽即凝結如逢霖
雨鹽則不生今大池與安邑縣池總謂之兩池官置使以
領之每歲收利納一百六十萬貫

尉斗陂在東北二十二里

通路自縣東南踰中條山出白徑起陝州之道也山嶺叅天
左右壁立間不容軌謂之石門路出其中名之白徑嶺焉

永樂縣

次畿北至府九十里

本漢河北縣地周明帝改河北縣為永

樂縣武帝省永樂縣以地屬芮城縣武德二年分芮城於
縣東北二里永固堡重置永樂屬芮州七年移於今理貞
觀八年改屬

中條山在縣北三十里

河水經縣南二里

永樂澗水原出條山經縣東二里又南入河

五老山在縣東北十三里堯升首山觀河渚有五老人飛

為流星上入昴因號其山為五老山

絳州

絳郡雄

開元戶一萬一千九百八十八元和戶一萬一千二百七十一

鄉一百七十六

禹貢冀州之域春秋時屬晉左傳曰晉人謀去故絳欲居
郇瑕氏之地韓獻子曰郇瑕氏土薄水淺不如新田遂遷
新田注曰新田今平陽絳邑縣是也三鄉滅晉其地屬魏
戰國時亦為魏地秦為河東郡地今州即漢河東郡之臨

汾縣地也魏正始八年分河東汾北平置平陽郡為平陽郡地後魏孝武帝於今理西南二十里正平縣界栢壁置東雍州及正平郡其地屬焉孝文帝廢東雍州東魏靜帝復置周明帝武威二年改東雍州為絳州大業三年廢州為絳郡初義師將西入關大將軍進次古堆去絳郡十餘里通守陳叔達堅守不下高祖命尉人曰明日早下絳城然後食乃引兵攻城自旦及辰破之仍置絳郡武德元年罷郡置絳州總管三年復為絳州

州境東西三百六十五里南北三百三十三里

八到東南至東都取恒縣王屋路四百八十里西南至上都五百九十里

東北至晉州一百四十里東至澤州四百四十里南至陝州二百四十里西北至慈州二百四十里

管縣九

正平 太平 萬泉 曲沃 翼城

聞喜 絳縣 稷山 龍門

正平縣望下本漢臨汾縣地屬河東郡開皇三年罷郡改屬

絳州十八年改臨汾縣為正平縣固正平故郡城為名也

汾水東北自曲沃縣界流入

澮水東自曲沃縣流入

栢壁在縣西南二十里後魏明帝元年於此置栢壁鎮太武帝廢鎮置東雍州及正平郡周武帝於此改置絳州建德六年又自此移絳州於今稷山縣西南二十里玉壁按栢壁高二丈五尺周迴八里

晉虎初宮在縣南六里左傳曰石言於晉魏榆師曠曰石不能言或憑焉抑又聞之作事不時怨讟動於人則有非言之物而言於是晉侯方築虎初之宮今按宮南有澮水北有汾水俱西流王宮西而合隋末依宮餘趾築堡今名修義堡

晉靈公臺在縣西北三十一里左傳曰晉靈公不君從臺

上彈人觀其避丸即此臺也

武平故閔在縣西三十里高齊時置周平齊廢

晉齊姜墓在縣南九里申生之母也

驪姬墓在縣南八里

太平縣縣南五十里本漢臨汾縣地屬河東郡後魏太武於

今縣東北二十七里太平故閔城置泰平縣屬平陽郡周改泰平為太平因閔名開皇三年罷郡屬絳州

汾水在縣東二十九里

太平故關城在縣東北二十七里

白波壘在縣東南十二里後漢末黃巾城於西河白波谷
寇太原於此築壘

子奇壘在縣東三十里後秦王姚興遣弟義揚公平字子
奇與征虜將軍狄伯支等步騎四万伐魏攻平陽陷之遂
掘柴壁魏軍大至截汾水以守之平大敗將麾下三十騎
赴汾水而死狄伯支等十將四萬人皆為魏所擒今按此
壘西臨汾水壘側尚有柴村子奇投汾水即此處也

趙盾祠在縣西南十八里

李牧祠在縣東北

晉公孫杵臼程嬰墓並在縣南二十一里趙盾墓塋中

萬泉縣

上東北至州一百二十里

本漢汾陰縣地屬河東郡又薛通城

者後魏道武帝天賜元年赫連勃勃僭號夏侵河外于時有縣

人薛通率宗族千餘家西去漢汾陰縣城八十里築城自固

因名之武德三年於薛通故城置萬泉縣屬秦州縣東谷

中有井泉百餘區因名萬泉貞觀十七年廢秦縣屬絳州

曲沃縣

縣西至州五十里

本晉舊都絳縣地也漢以為絳縣屬河

東都後漢加邑字屬郡不改晉改屬平陽郡後魏孝文帝

於今縣東南十里置曲沃縣屬止平郡因晉曲沃為名開

皇三年罷止平郡改屬絳州

絳山在縣南十三里出銅鉞

汾水西南去縣二十二里

澮水在縣南二里

絳水在縣界南三十里

漢絳縣本春秋晉都新田也在縣南二里周勃為絳侯即其地也今號絳邑故城

陘庭故城在縣西北二十里左傳曰曲沃武公伐翼次于陘庭是也

臺駘神祠在縣西南三十六里左傳曰晉侯有疾卜臺駘為祟問於子產子產曰昔金天氏有裔子曰昧為元冥師生允格臺駘能業其官帝用嘉之封諸汾川今晉主汾而

滅之由是觀之則臺駘汾神也

翼城縣望西南至州一百里本漢絳縣地屬河東郡後魏明帝

置此絳縣開皇末改為翼城縣屬絳州因縣東古翼城為名也武德元年於此置澮州二年廢澮州縣屬絳州

澮高山在縣東南二十五里澮水出焉其山出鐵隋於此置平泉治澮水今改名翼水

故翼城在縣東南十五里晉故絳都也

故唐城在縣西三十里

聞喜縣望西南至州六十里本漢左邑縣之桐鄉也武帝元鼎六

年將幸緱氏至此聞南越破大喜因立聞喜縣屬河東郡

後魏改屬正平郡開皇三年罷郡屬絳州

景山在縣東南十八里

董澤一名董池陂在縣東北十四里左傳厨武子曰董澤之蒲可勝既乎

桐鄉故城漢聞喜縣也在縣西南八里俗以此城為伊尹放太甲於桐宮之所孔注尚書曰桐湯葬地也按今地者放太甲處在偃師縣界非此也又漢大司農朱邑屬其子葬桐鄉者又在今舒州界亦非此也

王官故城今名王城在縣南十五里左傳曰俘我王官

祁奚墓在縣東二十二里今太原祁縣又有祁奚墓未詳

孰是

絳縣上西北至州八十里本漢聞喜縣地後魏孝文帝置南絳縣其

地屬焉因縣北絳山為名也屬正平郡恭帝去南字直為

絳縣開皇三年罷郡改屬絳州義寧元年屬翼城郡武德

元年屬澧州改屬絳州

備窮山在縣東北二十五里出鐵錐穴五所

絳水一名沸泉水出絳山東谷懸流奔壑一十許丈兩北注于澧史記稱智伯率韓魏引絳水灌晉陽不沉者三板智氏曰吾始不知水可以止人之國今乃知之於是韓魏之君共殺智伯水在縣北十四里

晉文公墓在縣東二十里左傳曰文公卒將殯于曲沃出絳柩有聲如牛貞觀十一年詔致祭五十步樵蕪禁

稷山縣緊東至州四十九里本漢聞喜縣地屬河東郡後魏孝文帝於今縣東南三十里置高涼縣屬龍門郡開皇三年罷郡

縣屬絳州十八年改為稷山縣因縣南稷山以為名也

稷山在縣南五十五里左傳曰晉侯理兵於稷以略狄土即此地也

汾水在縣南五十里

玉璧故城在縣南十二里後魏大統四年東道行臺王思政表築玉璧城因自鎮之

不剋周初於此置玉璧總管武帝建德六年廢總管城周

回八里四面並臨深谷

稷祠在縣南五十里稷山上

義和墓在縣東北十七里

龍門縣望東至州一百一十里古耿國殷王祖乙所都晉獻公滅

之以封趙夙秦置為皮氏縣漢屬河東郡後魏太武帝改皮氏為龍門縣因龍門山為名屬北鄉開皇三年廢郡以

縣屬絳州十六年割屬蒲州武德三年屬秦州貞觀十七

年廢秦州縣隸絳州

汾水去縣五里漢武帝行幸河東作秋風詞即此水也

故耿城在縣南十二里古耿國也
伏龍原在縣西南十八里

黃河北去縣二十五里即龍門口也禹貢曰浮于積石至
于龍門注曰龍門山在河東之西界大禹導河積石流決
龍門即斯處也河口廣八十步巖際雋迹遺功尚存三秦
記曰河津一名龍門水陸不通魚鱉之屬莫能上江海大
魚集龍門下數千不得上則為龍故曰曝鯢龍門水經
注曰其魚出鞏縣鞏六每三月則上渡龍門得則為龍否
則點額而還
蜚廉故城在縣南七里

大禹祠在縣西二十五里龍門山上隋末樵毀貞觀九年
奉勅更令修理

高祖神堯皇帝廟在禹廟南絕頂之上畫行幸儀衛之像
蓋義寧初義旗至此也

龍門關在縣西北二十二里

晉州

平陽

開元戶六万八百五十三

鄉一百四十八

禹貢冀州之域即堯舜禹所都平陽也春秋時其地屬晉
戰國時屬韓後將馮亭以上黨降趙又屬趙在秦為河東
郡地也今州即漢河東郡之平陽也縣永嘉之亂劉元海
僭號稱漢建都於此前趙錄曰太史令宣于循之言於元

海曰蒲子崎嶇非可久安平陽唐堯昔都願陛下都之於
 是遷都平陽後魏太武於此置東雍州孝明帝改為唐州
 尋又改為晉州因晉國以為名也高齊武成帝於此置行
 臺周武帝平齊置晉州總管義旗初建改為平陽郡武德
 元年罷郡置晉州三年為總管府四年為都督府貞觀六
 年廢府復為晉州

州境東西南北二百二十四里
 八到西南至上都七百三十里
 東南至東都六百二十四里
 東北至汾州三百六十里
 東至潞州三百九十里
 西至慈州二百二十里
 東北至沁州二百九十里

貢賦
 開元
 管縣九
 東南至澤州四百十里
 西北至隰州二百五十里
 賦
 麻布

臨汾
 襄陵
 神山
 岳陽
 洪洞
 霍邑
 趙城
 汾西
 翼氏

臨汾縣郭下本漢平陽縣屬河東郡在平水之陽故曰平
 陽魏置平陽都平陽縣屬焉開皇元年改平陽縣為平河
 縣三年罷郡縣屬晉州其年又改車河縣為臨汾縣
 平山一名壺口山今名姑射山在縣西八里平水出焉尚

書曰壺口理渠及岐
 汾水北自洪洞縣界流入

滴水今名三交水東自襄陵縣界流入

堯廟在縣東八里汾水東

姑射神祠在縣北十三里姑射山東武德元年勅置

龍子祠在姑射山東平水之源其地茂林蒼鬱俯枕清流實

晉勝境也

劉和墓在縣南三十三里和元海太子也

劉聰墓在縣西南十一里聰元海第四子也

襄陵縣州西北至本漢舊縣也屬河東郡高齊省周

平齊自臨汾縣移禽昌縣於今理屬晉州大業二年改禽

昌為襄陵取漢舊名也縣東南有晉襄公陵因以為名先

是以禽昌名者後魏禽赫連昌以置縣故也

浮山在縣東南七里

滴水在縣北十五里

黑水經縣北二十五里

晉賈克墓在縣西南十里

神山縣中西至州本漢襄陵縣地也武德二年僕射裴寂

奏分襄陵縣置浮山縣屬晉州因山為名至三年因羊角

山神人見又改為神山焉

黑山今名烏頭山在縣東四十四里黑水出焉

羊角山在縣東南三十一里

老君祠在縣東南二十里武德三年見神於羊角山下詔
曲沃縣人吉善行日報大唐天子得聖理一千年其年勅
遣通事舍人柳憲立祠因改縣為神山縣

岳陽縣

中西南至州一百五十里

本漢穀遠縣地後魏孝莊帝置安澤

縣屬義寧郡開皇十六年改屬沁州大業二年改為岳陽縣
因山為名義旗初建屬平陽郡武德元年罷郡改為晉州

烏嶺山在縣東三十里

千畝原在縣北九十里周迴四十里

東池僅在縣南三十三里今僅中見貯義倉北面絕崖三
面各二丈五尺週迴二里

洪洞縣

望西南至州六十里

本漢楊縣即春秋時楊侯國也晉滅之

以賜大夫羊舌肸漢以縣屬河東郡魏置平陽郡楊縣屬

焉開皇三年罷郡改屬晉州義旗初建改為洪洞縣因縣

北故洪洞鎮為名也

霍山在縣東北三十里事其霍邑縣

汾水自趙城東流入

洪洞故城在縣北六里後魏鎮城也姚朏序行記之曰周建

德五年從行討齊師次洪洞百雉相臨四周重複控據要

險城主張元靜率其所部肉袒軍門即此也

禽昌故縣在縣東南三十四里後魏太武帝禽赫連昌置

因以名焉

師曠祠在縣東南二十五里

霍邑縣上南至州一百五十里本漢虢縣也屬河東郡因氐水為

名即周厲王所奔之邑後漢順帝改為永安縣屬郡不改

後魏初省及宣武正始二年又置永安縣開皇十八年改

為霍邑縣屬晉州因霍山為名隋末喪亂武牙即將宋老

生屯兵于此義師之至也先生陳兵據險師不得進忽有

白衣老父請軍門曰霍山神遣語大皇帝若向霍邑當

東南傍山取路我當助帝破之遣人視之果有微道高祖

笑曰此神不欺趙襄子豈當負吾耶于是進師去城十餘

里老父戰敗劉弘基斬之遂平霍邑置霍山郡武德元年

廢郡復置呂州貞觀十七年廢呂州縣又隸晉州

霍山一名太岳在縣東三十里禹貢曰壺口雷首山于太

岳鄭元注曰今河東虢縣霍太山是也

呂坂在縣西南十里有呂鄉晉大夫呂甥之邑也呂州取

名於此

汾水徑縣西二里

氐水出霍山經縣南一里

普濟寺貞觀八年奉詔以破宗老生于此置寺

周厲王陵在縣東北二十五里

趙城縣上南至州九十五里本漢毘縣地即造父之邑也自漢迄晉

不改後魏太武帝廢其趙城縣義旗之初分霍邑縣置屬

霍山郡因故趙城為名武德元年廢郡置呂州縣屬焉貞

觀十七年廢呂州屬晉州

汾水出縣西四里

霍山廟在縣東南三十里霍山上甚有靈驗貞觀五年勅

令修理

汾西縣中東西至州一百八十里本漢毘縣地屬河東郡後漢改毘為

永安縣高齊又于此置臨汾郡及臨汾縣開皇三年改臨

汾縣為汾西縣十六年改屬汾州十八年改屬呂州大業

二年改屬晉州義旗初屬霍山郡武德元年又屬呂州貞

觀十七年廢呂州又屬晉州

汾水在縣東三十五里

冀氏縣中西至州一百九十二里本漢隋氏縣地也屬上黨郡隋晉君

義反至晉省後魏莊帝于隋氏城南置冀氏縣屬晉州

烏嶺山在縣西三十里

沁水在縣東一里

慈州文城開元戶一萬一千二百七十五
元和戶一千七百七十七

禹貢冀州之域春秋時晉之屈邑獻公子夷吾所居也左

傳曰驪姬賂外嬖梁五與東閔嬖五使言于公曰蒲與二

屈君之疆也不可無主乃使重耳居蒲夷吾居屈注曰一
屈今平陽郡北屈縣也左傳屈產之乘亦此地秦兼天下
縣屬河東郡漢北屈縣屬河西郡後魏孝文帝于北屈縣
南二十一里置定河郡即今州理是也隋開皇元年改定
湯郡為武城郡貞觀八年改為慈州內有慈烏成因以
為名

州境東西五百五十一里

八到 西南至上都六百八十五里

東南至絳州太平縣壹百九十里

西至龍門縣一百八十里

北至隍州二百里

東南至晉州二百四十里

正西至黃河六十五里

東南至絳州二百四十里

貢賦

開元 貢 唱白密

賦

麻布

晉縣五

吉昌

文城

昌寧

什城

呂香

吉昌 郭下本漢北屈縣地也屬河東郡後魏孝文帝于今
州置定陽郡并置定陽縣會有河西定陽胡人渡河居
于此因以為名十八年改定陽縣為吉昌縣貞觀八年改
置慈州縣依舊屬焉

壺口山在縣西南五十里

風山在縣北三十里山上有穴如輪風氣蕭瑟未嘗暫止

當其衝略不生草故以風為名

黃河北去縣六十里

姚襄城在縣西五十二里本姚襄所築其城西臨黃河控帶龍門孟門之險周齊交爭之地齊後主武平一年遣右丞相斛律明月左丞相平原王段孝先破周兵于此城遂立碑以表其功其碑見存齊氏又于此城置鎮開皇廢武德二年又置鎮九年廢城高二丈周圍五里

文成縣中

東南至州六十五里

本漢北屈縣地屬河東郡後魏孝

文帝于此置斤城縣屬定陽郡開皇十六年改斤城縣為文城縣

孟門山俗名石槽在縣西南三十六里淮南子曰龍門未開吕梁未鑿河水孟門之上名曰洪水大禹疏通謂之孟門水經注曰風山西四十里河水南出孟門與龍門相對即龍門之上口也寔為黃河之巨阨今按河中有山鑿中如槽東流懸注七十餘尺

文城故城在縣北三十里故老曰此城晉文公為公子時避驪姬之難從蒲奔狄因築此城人遂呼為文城

昌寧縣

州西北至本漢臨汾縣地屬河東郡後魏太武帝

分臨汾縣置太平縣孝文帝人分太平縣置昌寧縣屬定陽郡開皇元年改屬耿州十八年又屬汾州大業二年改

汾州為文城郡縣仍隸焉貞觀八年改為慈州縣又屬焉
兩乳山在縣西南七十里山有兩岫望如乳形因以為名
黃河北去縣七十九里

倚梯故城在縣西南一百五十里累石為之東北兩面據
嶺臨谷西南兩面俯瞰黃河懸崖絕壁百餘尺其西南角
即龍門之上口也以城在高嶺非倚梯不得上因以為名
城中有禹廟後魏孝文帝西巡至此立碑：今見在

禹廟在縣西南一百五里龍門東岫上其碑是後魏孝文
帝所立
晉荀息墓在縣東北六十里

作城縣下中西南至州五十八里本漢北屈縣地屬河東郡後漢於
此置作城郡領京軍縣孝文帝改京軍縣為作城縣開皇
三年廢作城郡改屬文城郡皇朝改屬慈州

石門山在縣北六十里

定故城在縣西一里周保定四年置以高境因以為名
隋廢

呂香縣中至州八百二十里本漢臨汾縣地也屬河東郡後魏

太武帝於此置邢軍縣屬作城郡孝文帝改為平昌縣開
皇十六年省平昌入作城縣義寧元年於此置平昌縣貞
觀元年改為呂香縣因舊呂香鎮為名屬慈州

馬頭山在縣南六十里其山峭嶷焉如馬首因以為名

橫嶺山在縣西北六十里

隰州文寧開元戶一萬八千五百八十三鄉四十八
元和戶二萬三千三百四十九鄉二十四

禹貢冀州之域春秋時為晉地七國屬魏秦為河東郡地

在漢為蒲子縣屬河東郡後魏初屬作城郡孝文改蒲子

為長壽縣太和十二年於此置汾州周宣帝大象元年於

今州東有步置龍泉郡隋開皇五年改為隰州大業三年

又改為龍泉郡武德元年又為隰州爾雅曰下隰曰隰以

州帶泉治下隰故以隰為名

州境東西南北

八到東南取慈州路至上都八百八十五里

東南至東都八百八十里

東南至晉州汾西縣一百六十里

西至延州二百六十里

北至石州二百五十里

南至河州一百四十里

東至汾州二百七十里

東南至河中府六百七十里

貢賦開元賦蠟白蜜麝香胡女布

管縣六

隰川 蒲縣 大寧 溫泉 永和 石樓

隰川縣中郭下本漢蒲子縣地也屬河東郡魏少帝分河東

置平陽郡蒲子縣屬焉劉元海僭號稱漢初理於蒲子後從

平陽又於此置大昌郡以蒲子屬焉周宣帝改置長壽縣

開皇十八年改為隰川縣南有龍泉下隕因以為名屬隰州

蒲水原出縣東北石樓山

黃櫨谷水出縣東北黃櫨谷

故橫城在縣南三十五里隋仁壽四年楊諒作逆遣偽將吳子通屯兵築城於此橫絕蒲川道因以為名

蒲縣中一百十里西北至州本漢蒲子縣地後魏于此置石城縣

後廢周宣帝于石城故城置蒲子縣因漢蒲子縣為名也屬定易郡開皇五年改屬隰州大業二年改為蒲縣五禿

常安原在縣西南四十里東西廣四十里南北長二十里

仵城故城在縣南六十三里後魏仵城郡也

大寧縣中東北至州八十六里本漢北屈縣地也屬河東郡後魏

于此置仵城縣尋廢周武帝又于廢縣西三里置大寧縣屬南汾州大業二年省武德二年于此置中州復置大寧

縣以屬烏貞觀元年廢中州以縣屬隰州

孔山在縣西北二十五里上有穴如車輪三所東西祠去各二丈其深不測因以為名

黃河北去縣六十八里

蒲水一名斤水去縣六十步

浮圖鎮齊清河四年築隋移大寧縣理即今此縣理是也
溫泉縣中西南至州一百六十里本漢土軍縣地也後魏於土匄故縣

東七十里置新城縣屬土軍郡太武改名嶺東縣孝文改
為新城縣武德三年於縣東南四十里置北溫州及溫泉
縣因縣南溫泉為名貞觀元年省北溫州及新城縣以溫
泉縣屬溫州

望遠山一名可寒堆在縣西七十里高五里週迴九十五
里

西陽泉源出縣東北去縣十里

永和縣中東至州八十里本漢狐讞之涉縣屬河東郡後漢省

魏初復置狐讞縣屬河東郡魏廢高齊後主於其城置永
和鎮周宣帝廢鎮置臨河郡及臨河縣屬汾州開皇五年
改為隰州十八年改臨河為永和縣以縣西永和關為名
也

樓山在縣西南二十二里

黃河東去縣六十里

狐讞故縣城在縣西南三十五里

石樓縣中東至州九十里本漢土軍縣也屬西河郡晉省後魏

孝文帝於此城置土京郡即漢土軍縣蓋胡俗音訛以軍
為京也開皇五年又以土京屬溫州十八年改土京為石

樓縣因縣京石樓山為名也

黃河東去縣九十九里

龍泉水出縣東南去縣十里山下牧馬多產名駒故得龍泉之號

縣理城漢土軍城也其城圓而不方 謂之團城

元和郡縣志卷之十二終

元和郡縣志卷十三

河東道三

河東節度使

今為河東節度理所

太原府 開元戶十二萬六千八百四十

元 和 戶 十二萬四千

晉州十一 太原府

汾州

沁州

儀州

嵐州 自嵐州以下分入下卷

石州

忻州

代州

蔚州

雲州

管縣四十五

都管戶十五萬一千六百八十三

禹貢冀州之域高晉曰既修太原注曰高平曰原今以為
郡名舜典曰肇十有二州王肅注曰舜為冀州之北太廣
分置并州至夏復為九州尚并州合于冀州周之九州復
置并州職方曰正北曰并州其山鎮曰恒山藪曰昭餘和
川曰滹沱滙夷浸曰涑易釋名曰并並也言其州或并或
設因以為名春秋晉荀吳敗狄于大鹵即太原晉陽縣也
中國曰太原夷狄曰大鹵葉晉大鹵大夏墟平陽晉陽諸
名其寔一也太康地記曰并川不以衛水為號又不以恒
山為名而言并者蓋以其在兩谷之間乎素今州本高辛
氏之子實沈又金天氏之子臺駘之所居也在傳曰昔高

辛氏有二子伯曰關伯季曰實沈居于大林不相能也日
尋干戈后帝不減遷實沈于大夏至參金天氏有裔子曰
昧為元冥師生允枚壹駘以處太原晉陽縣也太原臺駘
之所居葉今河又為唐國帝堯為唐侯所封又為夏禹之
所都也帝王世紀曰帝堯始封于唐又徙晉陽及為天子
都平陽平陽即今晉州晉陽即今太原也又曰禹自安邑
都晉陽至桀徙都安邑至周成王以封弟叔虞是為晉侯
史記曰成王與叔虞戲削桐葉為圭曰以是封汝周公請
封之于唐成王曰吾戲耳周公曰天子無戲言遂以封之
今州春秋時為晉國戰國時為趙地左傳曰晉趙鞅入晉

陽以叛穎客曰趙簡子居晉陽王成公居邯鄲史記曰智伯卒韓魏攻趙襄子奔保晉陽復為韓魏趙所滅故其地屬趙地理志曰趙西有太原秦本紀曰莊襄王二年蒙驁攻趙定太原四年初置太原郡始皇置三十六郡仍為太原郡漢二年魏豹反為楚盡有太原上黨之地九月韓信虜魏豹定魏地置河東上黨太原郡六年以太原二十一縣為韓國徙封韓王信都太原七年信反走入匈奴十一年封皇子為代王都晉陽文帝元年立皇子參為太原王都晉陽地理志云太原郡領二十一縣屬并州後漢末省并州入冀州魏文帝黃初元年復置并州改太原郡為太原

原國初曹公圍袁尚於鄴時袁紹外甥高幹為并州刺史袁紹說幹曰并州左有恒山之嶮右有大河之固北有強胡宜速迎尚并力觀變幹未能用故敗晉惠帝時并州之地盡為劉元海所有其後劉曜徙都長安自平陽以東盡入石勒至符堅姚興赫連勃勃並於河東郡置并州後符丕為慕容垂所迫奔于晉陽稱帝一年為慕容永所滅後魏後為太原郡周武帝建德六年平齊置六府于并州後有六府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州為太原郡隋李陵遲寇盜充斥煬

帝以高祖為山西河東道撫慰大使太原郡留守仍遣武
貴即將王威高君雅為副時賊帥歷山兔眾號十萬來寇
郡境劉武周又殺太守王仁恭舉兵馬邑俄又攻破汾陽
宮監裴寂晉陽令劉文静勸高祖舉兵旬日間眾至數萬
威君雅有疑心高祖斬之以徇時大業十三年也其年入
關起定京邑高祖輔政義寧元年太原郡仍舊不改武德
元年罷郡為并州總管三年廢總管四年又罷其年又改
為上總管五年又改為大總管七年又改為大都督天授
元年罷都督府置北都神龍元年依舊為并州大都督府
開元十二年元宗行幸至并州以王業所興又建北都改

并州為太原府立起義堂碑以紀其事二十一年分天下
州郡為十五道置採訪使以檢察非法太原為河東道又
於邊境置節度使以式遏四夷河東最為天下雄鎮河東
理太原府管兵五萬五千五百人馬一萬四千匹
衣賜一府二城內聖歷二年置管雲中郡守捉東西去單
兵軍太原府城內聖歷二年置管雲中郡守捉東西去單
七十里調露中裴行儉破突厥置管兵七千七百七
百人馬二千三百匹東南去理所八百里開元中河東
郡北三百里調露中突厥南侵裴行儉開置管兵九千五
百人馬五百匹東南去理所八百里開元中河東
橫野軍關安邊郡公張嘉貞移置管兵七千八百
百人馬千八百匹西南去理所八百里開元中河東
所九百里安邊郡今蔚州定襄郡去理所八百里開元中
雁門郡管兵四千人樓煩郡管兵三千人樓煩今嵐州

岢嵐軍樓煩郡北百里長安中李迥秀置管兵天寶元年

改北都為北京今太原有三城府及晉陽縣在西城太原

縣在東城汾水貫中城南流

府境東北

八列東至趙州五百六十里

東南至儀州三百四十五里

西南至沁州三百四十里

北至忻州一百九十里

正南微東至潞州四百五十里

太原 晉陽 榆次 清源 壽陽 太谷 祁縣

管縣十三

文水 交城 廣陽 陽曲 孟縣 樂平

太原縣赤郭下開元戶二萬一千六百五十六

本漢晉陽縣地高齊河清四年自今州城中移晉陽縣於

汾水東隋文帝開皇十年移晉陽縣於州城中仍於其處

置太原縣屬并州大業二年罷州置太原郡縣仍屬高隋

末移入州城貞觀十二年還遷于舊理在州東二里百六

十步

牢山一名看山在縣東北四十五里後魏書曰劉聰遣于

餐龍晉陽倚廬救之遂獵牢山陳開皮肉山為之赤其山

出金鉞

潛邱在縣南三里爾雅曰晉有潛邱隋開皇二年於其上置大與國觀

洞道水東自榆次縣界流入西去縣三十里入晉陽縣界陽曲故城在縣東北

陽直故城在縣東北二十里開皇十六年改陽曲縣理此

晉渠在縣西一里西自晉陽縣界流入汾東地界多鹹鹵

井不堪食貞觀十三年長史英國公李勣乃于汾河之上

引決晉渠歷縣經鄆又西流入汾水

晉陽縣赤下開元戶一萬二千八百八十一鄉二十五

本漢舊縣也唐太原郡至後魏並不改業此前晉陽縣理

州城中高齊武成帝河清四年移晉陽縣於汾水東今太

原縣理是也武平六年于今理置龍山縣屬太原郡因縣

西龍山以為名也開皇三年罷郡置并四十五年廢龍山

移晉陽縣理之大業三年罷州為太原郡縣仍屬高皇朝

因之在河南一里

懸甕山一名龍山在縣西南十二里山海經曰懸甕之山

晉水出焉其上多玉其下多銅

蒙山在縣西北十里六國春秋曰前趙劉聰征劉琨不克

略晉陽之人踰蒙山而歸即謂此也今山上有楊忠碑為

周將討齊戰勝隋文開皇二年追紀功烈始建此碑忠印

文帝之考謚曰武元皇帝

汾水北自陽曲縣界流入經縣東二里又西南入清源縣界

晉水源出縣西南懸壺山水徑注曰晉水出懸壺山東過其縣南昔智伯遺晉水灌晉陽城不沒者三版後人踵其遺跡蓄以為沼水分為二派其北瀆即智氏故渠也其瀆乘高東北注入晉陽城以周溉灌東南出城注于汾水其南瀆於石塘下伏流東南出晉陽城南又東南入於汾今案晉水初泉出處砌石為塘自塘東分為三派其北一派名智伯渠東北流入州城中出城入汾水其次派東流

經晉澤南又東流入汾水此二派即酈元所言分為二派者也其南汾隋文開皇四年開東南流入汾水

洞過水東自太原縣界流入西入于分晉水下口者也水徑注曰劉琨之為并州也劉元海引兵擊之合戰於洞過即此水是也今案此水出沾縣北山沾即今樂平縣也水徑縣東南二十五里入汾水

晉澤在縣西南六里開皇六年引晉水溉稻田週回四十一里

府城故老傳晉并州刺史劉琨築今案城高四丈周迴三十七里今案城中又有五城其一曰大明城即古晉陽城

也左傳言董安于所築史記云智伯攻襄子於晉陽引分水灌其城：不沒者三板春秋後語云智伯攻晉陽決晉水灌之城中懸崖而炊今案城東有汾水南流城西又有晉水入城而史記云引汾水後語云決晉水二家不同未詳孰是高齊後帝於此置大明宮因名大明城姚最序行記曰晉陽宮西南有小城內有殿號大明宮即此也城高四丈周回四里又一城南面因大明城西面連倉城北面因四城東魏孝靜帝於此置晉陽宮隋文更名新城煬帝更置晉陽宮城高四丈周迴七里又一城東面連新城西面因四城開皇十六年築今名倉城高四丈周回八里

故唐城在縣北二里堯所築唐叔虞之子燮父徙都之所也
三角城在縣西北十九里一名徒人城
捍胡城一名看胡城在縣北二十三里
受瑞壇在四理倉城中義旗初高祖大武皇帝受瑞石於此壇文曰李理萬吉

晉陽故宮一名大明宮在州城內今名大明城是也昔智伯攻趙襄子襄子謂張孟設曰無箭奈何對曰臣聞董安于簡主之才臣也理晉陽公宮之垣皆以荻蒿楛櫛之蒿至子丈於是發而試之其堅則箇籥之勁不能過也公曰

矢足矣吾祠少對日臣聞董安于之理晉陽公宮之室皆以鍊銅為柱質請發而用之則有餘銅矣高齊文宣帝又於城中置大明宮竹馬府在州城中

汾橋架汾水在縣東一里即豫讓欲刺趙襄子伏於橋襄子解衣之處橋長七十五步廣六丈四尺

晉祠一名王祠周唐叔虞祠也在縣西南十三里水經注曰晉智伯遏晉水以灌晉陽其川上源後人畜以為沼西際山枕水者唐叔虞祠水側有涼堂結危梁於水上晉川之中最為勝處序行記曰高洋天保中大起樓觀穿築

池塘自洋已下皆遊集焉至今為北都之勝介之推祠在縣東五里

唐叔虞墓在縣西南十二里

高齊相國咸陽王斛律金墓在縣西南十七里

晉祠碑在乾陽門街貞觀二十年太宗幸并州所置御製并書

起義堂碑在乾陽門街開元十一年元宗幸太原所立御製并書

講武臺在縣西北十五里顯慶五年置

榆次縣

西去府五十六里

開元戶一萬五千四百三十九
元和戶

本漢舊縣即春秋時晉魏榆地左傳曰石言于晉魏榆注
曰魏晉邑榆即西理名史記曰莊襄王二年使蒙驁攻趙
魏榆漢以為縣屬太原郡後魏太武帝并入晉陽縣宣武
帝復置榆次縣高齊文宣帝省自今縣東十里移中都縣
理之屬太原郡十年以中都縣又為榆次縣三年罷州為
郡縣仍屬焉皇朝因之

麓基山俗多鑿基山在縣東南三十五里

洞過水東自壽陽縣界流入經縣南四里又西南入太原縣
界

中都故城縣東十里高齊移于廢榆次城即今縣理是也

鑿基在縣南四里水經注曰洞過水西過榆次縣南水側
有鑿基智伯瑤刳腹絕腸折頭摺頤之處史記曰智氏信
韓魏從南伐趙攻晉陽韓魏殺之於鑿基之下說苑曰智
氏見伐趙之利不知榆次之禍皆謂此也今案其基為洞
過水所侵無復餘跡

原過祠俗名原公祠在縣東九里史記曰智伯率韓魏攻
趙，襄子懼乃奔保晉陽原過從後至于王澤見三人自
帶已上可見自帶以下不可見与原過竹三節莫通曰為
我遺趙毋卹原過阮玉以告襄子襄子齋三日親自剖竹
有朱書曰趙毋卹余霍奉山，陽侯天吏也三月丙戌予

將使汝反滅智氏汝亦立我百邑襄子再拜受三神之今
既滅智氏遂祠三神于百邑使原過主之

麓臺山祠俗名智伯祠在麓臺山上

清源縣府三十九里

開元戶八千五百一十一

御十七

本漢榆次縣地，理志曰榆次有梗陽鄉魏成邑案梗陽
在今縣南一百二十步梗陽故城是也自漢晉皆為榆次縣
地後魏省榆次縣地屬晉陽開皇十六年于梗陽故城置
清源縣屬并州因縣西清源縣水為名大業二年省又為
晉陽縣地武德元年重置
汾水徑縣東去縣九里又東南入文水縣界

梗陽故縣城春秋晉大夫相氏邑也在縣南一百二十步左傳
曰晉殺祁盈遂滅祁氏分為一縣成為梗陽大夫是也開

皇十六年於其城內置清源縣

鵝城在縣東南二十二里晉陽春秋曰永嘉元年洛陽步
廣里地陷有二鵝色黃倉者死冲天白者不能死倉雜色
故夷之象劉雍以為己瑞築此城以應之

閻沒墓在縣西南三里左傳曰梗陽人有獄魏成不能斷
以獄上其大宗賂以女樂魏子將受之魏成謂閻沒必諫
許諾退朝待於庭饋入名之比置三艱魏子問之對曰或
賜小人酒不夕食饋始置恐不足中自咎曰豈將軍食之

而有不足及饋之畢願以小人之腹度君子之心居饜而
已魏子辭梗陽人

壽陽縣

畿西南五百五十里

開元戶五千一百六十七

鄉十

本漢榆次縣地西晉於此置受陽縣屬樂平郡永嘉後省
晉末山戎內侵後魏太武遷戎外出徙受陽之戶于太陵
城南置受陽縣屬太原郡受陽縣即今文水縣是也開皇
十年改受陽為文水縣又於受陽故城別置受陽縣屬并
州即今縣是也大業三年罷州為太原郡縣仍屬焉武德
三年置受州縣改屬焉貞觀八年廢受州縣并州貞觀十
一年更名壽陽

方山在縣北四十里

洞過水東自樂平縣界流入在縣南五十里又西南入榆

次縣界

馬首故城在縣東南十五里左傳曰晉分祁氏之田為七縣

韓固為馬首大夫即其地也

神武故城後魏神武郡也在縣北三十里周廢

太谷縣

畿西北至府七十五里

開元戶一万五百九十

鄉二十

本漢陽邑縣地屬太原郡今縣東十五里陽邑故城是也

後漢明帝以馮衍為陽邑侯後魏太武帝省景明二年復

置陽邑縣屬太原郡即今縣是也高齊及周同開皇三年

罷郡屬并州開皇十八年改陽邑為太谷縣因縣西太谷
為名大業三年罷州為太原郡縣仍屬焉武德三年分并
州之太谷祁二縣于此置太州六年省太州復以太谷祁
縣屬并州

白雲嶺北縣北七十五里

蔣谷水今名象谷水源出縣東南象谷經縣北四里北入
清源縣界

陽武故城在縣東南十五里

咸陽故城在縣西南十里秦伐趙築之以咸陽兵滅之羽
名

菴羅孽亭俗名落漢城在縣西北十九里

祁縣歲北至府開元戶一萬五千七百八十二鄉三十
一百里

本漢舊縣即春秋時晉大夫祁奚之邑也左傳曰晉殺祁
盈遂滅祁氏分為七縣以賈辛為祁大夫注曰太原祁縣
也案漢祁縣在東南五里故祁城是也後漢訖後魏並不
改高齊天保七年省開皇十年重置屬并州武德二年改
屬太州六年省太州還屬并州

情山在縣東南六十里

胡甲水一名太谷水東南自潞州武鄉縣界流入又南入
汾州平遙縣界

故祁城漢祁縣城也在縣東南五里晉大夫賈辛邑水注
注曰賈辛以貌醜妻不為言与之如臯射雉中之妻乃笑
案左傳魏獻子謂賈辛曰昔賈大夫惡娶妻而美三年不
言御以如臯射^{野鷄}獲之其妻始笑而言注曰賈國之大夫
以此而言則辛非射雉者麗元初引為謬
趙襄子城在縣西六里

雲川故城後魏雲川城也在縣西二十里孝武帝永熙中
寄理并州界謂此也

祁奚墓在縣東南七里

後漢溫序墓在縣西北十四里序卒初人死葬洛陽其子

夢序云久客思故鄉乃反葬焉

後漢周黨墓在縣東南十四里黨廣武人世祖引見伏而
不謁

高齊唐邕墓在縣東南七十里碑云齊尚書令晉昌王

文水縣畿府一百十里東北至開元戶一萬一千六百六鄉廿二

本澤大陵縣地居太原郡今縣地十三里大陵故城是也

後魏省仍於今理置受陽縣居太原郡開皇十年改受陽

縣為文水縣因縣西文谷水為名皇朝因之天授元年改

為武具縣神龍元年復為文水縣城甚寬大約三十里百

姓于城中種水田

汾水東北自清涼縣界流入絳縣東十五里又西南入汾
州隄城縣界

文水西北自交城縣界流入絳縣西又南入隄城縣界
大陵城澤大陵縣也在縣東北十里史記曰趙武靈王遁
大陵夢處女鼓琴而歌異日教言所夢想見其狀吳廣聞
之因進孟姚焉

平陶城澤平陶縣城也在縣西南二十五里居太原郡後
魏改為平遙縣後西胡內侵遷居京陵塞在今汾州界
大子城在縣西南十一里本劉元海築令兄延年鎮之胡
語長兄為大子因以為名

交城縣

畿東北至

開元戶五千四百十三

鄉十二

本漢晉陽縣地開皇十六年分晉陽縣置交城縣取古交
城為名居并州皇朝因之天授二年長史五及善自山北
故交城縣移就却波村置

少陽山在縣西南九十五里其上多玉其下多赤銀高二
百丈周迴二十里

羊腸山在縣東南五十三里石磴縈委若羊腸後魏于此
立倉今嶺上有故石墟俗云太武帝避暑之所地理志上
黨壺關亦有羊腸波在今潞州界不謂此也

孤突山在縣西南五十里出鐵錐

汾水西北自嵐州靜樂界流入

文谷水出縣西南文谷水徑曰文水出太陵縣西山文谷
案太陵縣在今文水縣北十三里太陵故城是也文水發
源此城西北東南流入文水縣界流入行八十里

廣陽縣

府二百二十里

開元戶二千六百七十三

御五

本澤上文縣也屬太原郡後漢屬常山國晉屬樂平郡後
魏改石艾縣屬樂平郡不改開皇五年罷郡改屬遼州大
業三年省遼州後屬并州武德三年又屬遼州今太
原府樂平縣理是也六年改屬受州貞觀八年廢受州後
屬并州天寶元年改為廣陽縣因縣西南八十里廣陽故

城為名也

浮山縣東南三十五里

澤發水一名阜漿水亦名妬女泉源出縣東北量阜壘東
今其泉初出大如車輪水色青碧泉傍有祠土人祀之婦
人衽服靚粧必興雨電故曰妬女故老傳此泉中有神祀
鱉晝伏夜游神出水隋神而涌其水東流入井陘縣界廢
受州城在縣西北三十里舊名塞魚城武德八年因故跡
築移受州理此貞觀八年廢

井陘故關在縣東八十里史記曰漢二年韓信與張耳欲
東下井陘擊趙王成安君陳餘聚兵井陘曰二十萬廣武

君李左車說成安君曰井陘道狹車不得方軌騎不得成
列假臣奇兵三萬從間道絕其輜重下至十日兩將之頭
可致戲下餘不從故敗今案井陘亦名土門

盤石故關在縣東北七十里

葦澤故關在縣東北八十里

董卓壘在縣東北八十里水經注曰澤發出董卓壘東

妬女祠在縣東北九十里澤發水源

陽曲縣畿南至開元戶八千一百二十一

本漢舊縣也屬太原郡黃河十里一曲曲當其陽故曰陽

曲舉此前陽曲縣今忻州定襄縣是也後漢末移於太原

縣北四十五里陽曲故城是也後魏又移于今縣南四里

陽直故城開皇三年改為陽直縣十年又移於今縣東北

四十里汾陽故縣十六年改陽直縣為汾陽縣因漢舊名

也煬帝又改為陽直縣移理木井城即今縣理是也武德

七年大子今縣西十五里分置汾陽縣屬并州七年省陽

直縣改汾陽為陽曲縣因障舊縣也

方山在縣東六十里

汾水西自文城縣流入經縣西南去縣三十里又東南入

太原縣界

縣城故水井城也東魏孝靜帝築城中有井以木為甃因

名之

狼孟故城在縣東北三十六里史記曰始皇十六年大具兵至太原取狼孟是也漢以為縣屬太原郡晉末省案城左右狹澗幽深南西太堅俗謂之狼馬澗舊澗為城今餘壑猶存

故孟城澤孟縣也本春秋時晉大夫祁氏邑在縣東北十里左傳曰晉殺祁盈遂滅祁氏分為七縣以孟景為孟大夫澤以為縣

石嶺鎮在縣東北七十里

孟縣畿西南至府二百二十里

開元戶五千二百七十三

鄉十

本漢舊縣屬太原郡後漢及晉不改案此孟縣在今縣西南陽曲陽縣東北六十里故孟縣城是也後魏省地屬石艾縣開皇十六年分石艾縣置原仇縣屬遼州因原仇故城為名即今縣是也大業二年改原仇為孟縣因漢舊名屬并州皇朝因之武德三年割并州之孟壽陽二縣於此置受州貞觀八年省受州孟縣後屬并州

白馬山在縣東北六十里山海經曰白馬之山其陽多玉石其陰多鐵及赤銅木馬之水出焉山上有白馬關後魏所置

原仇山在縣北三十里出人參鐵錒縣取此山為名滹沱

水西自代州王臺縣界流入南去縣一百里

縣城本名原仇城亦名仇由城案韓子曰智伯欲伐仇由國道難不通鑄大鐘遺之仇由大悅除塗將內之赤章曼反諫不聽斷穀而馳仇由以亡蓋其地也

樂平縣畿西南至府三百里

開元戶二千六百八十九

鄉五

本漢沾縣屬上黨郡

沾音丁念反

晉於此置樂平郡沾縣屬焉

又別置樂平縣後魏太武帝省樂平郡及縣孝明帝於今儀州和順縣重置樂平郡及縣高齊移理沾城即今縣是也開皇十六年于此置遼州縣屬縣為大業二年省遼川以樂平屬并州皇朝因之武德六年廢受州貞觀八年省受

州縣改屬并州

少山一名河逢山在縣西南三十里福地記曰河逢山在

樂平沾縣高八百丈可避兵水此即恒山之左命也

沾嶺在縣西南三十里

清泉水出縣西南少山、海徑曰少山清漳水出焉今案

清漳出樂平濁漳出潞州山子縣界

縣城即漳沾縣城也隋文帝更加修築

昔陽故城一名夕陽城在縣東二十里左傳曰晉荀吳假

道於鮮虞遂入昔陽滅肥子綿臯歸七國時趙成于此

汾州西河

開元戶五千七百四

鄉一百十四

禹貢冀州之域其在虞舜十一州之周皆屬并州春秋時
 為晉地後屬魏謂之西河子夏居西河吳起為西河守皆
 謂之也秦屬太原郡漢武帝元朔四年置西河郡領縣三
 十六理富昌縣是也後漢徙理離石即今石州離石縣也
 獻帝末荒廢魏黃初二年乃于澤慈氏縣置西河郡即今
 州理是也晉魏帝時為劉元海所攻破即遂廢後魏孝文
 帝太和八年復于慈氏舊城置西河郡屬吐京鎮案吐京鎮
 今隍州西北九十里石樓縣是也十二年改吐京鎮為汾
 州西河郡仍屬焉明帝時為胡賊所破因此移西河郡理
 平陽界高齊又于此城置南朔州周武帝廢南朔州宣帝

於此置汾州大業三年廢汾州還于濕城縣置西河郡皇
 朝初改為浩州武德三年又改浩州為汾州

州境東西一百六十四里
 南北一百一十五里
 東至東都九百三十里
 東南至潞州四百四十里
 西南至濕州二百七十里
 西北至石州一百七十里
 東北至太原府一百七十里
 東南至沁州二百六十里

貢賦
 龍鬚席
 石膏
 賦
 麻布
 菽粟

管縣五

西河 孝義 介休 靈石 平遙

西河縣 郭下
 開元戶一萬二千三百七十五 鄉廿五

本漢慈氏縣也曹魏於此置西河郡晉改為國仍改慈氏縣為溫城縣上元二年改為西河縣今城內有晉西河王斌碑文字殘缺

謁泉山上有石室去地五十餘丈頂上平地可千頃相傳以為子夏石室

比干山在縣北一百十里

文湖一名西河泊在縣東十里多捕魚之利

八門城在縣北十五里劉元海遣將喬松攻西河築營自

固營有八門因名

卜商祠在縣北四十里

孝義縣紫州三十五里開元戶一萬六千八百八十五

本漢慈氏縣地魏曹移西河郡中陽縣於今理永嘉後省

入溫城後魏又分溫城於今靈石縣東三十里置永安縣

貞觀元年以縣名與涇州縣名同改為孝義縣因縣人郭

具有孝義故以為名焉

勝水在縣南一里

團城在縣西北十八里後魏築以防稽胡其城行曲故名團城

魏文侯墳在縣西五里

段干木墓縣東北二十五里

介休縣望西北五里開元戶一萬一千三百八十三鄉三十三

本秦漢之舊邑在介山西因名之後魏明帝時為胡賊所
破至孝靜帝更修築遷朔州軍人鎮之因立為南朔州但
領軍人不領郡縣其介休縣仍屬汾州高齊省介休入永
安縣周武帝省南朔州復置介休縣宣帝改介休為平昌
縣隋開皇末又改平昌為介休縣義寧元年于縣置介休
郡武德元年改郡為介州貞觀元年廢介州以縣屬汾州

介山在縣西南二十里

雀鼠谷在縣西十二里

汾水在縣北十二里

鄆城泊在縣東北二十六里周禮并州之教曰昭餘祁鄆

鄆城泊是也

郭林宗墳在縣東三里周武帝時除天下碑唯林宗碑詔時留

靈石縣上北至州開元戶三千七百三十一 鄉八

本漢介休縣地隋開皇十年因巡幸開道得瑞石遂於谷
口置縣因名靈石皇朝因之

介山在縣東四十二里

汾河在縣北十步深一丈濶三丈

賈胡堡在縣南三十五里義寧元年義師次于霍邑隋將

宋金剛拒不得進屯軍此堡有霍山神見靈事已具于霍

邑縣敘事

平遙縣 州西北五十里

開元戶一萬八千九百七 鄉廿八

本漢平陶縣地屬太原郡後漢隸西河郡魏以太武帝名

壽改平陶為平遙隋屬西河郡義寧元年于介休縣置介

休郡以平遙縣屬焉武德元年于此置介州縣屬不改貞

觀元年省州縣屬汾州

麓臺山在縣東南五十二里

京陵故縣在縣東七里漢京陵縣晉九原地也禮記注曰

九原晉卿大夫之墓地也

中都故縣在縣西十二里屬太原郡漢文帝為代王邸于此

沁州 陽城 開元戶六千五百十 鄉十三

鄉十三

禹貢冀州之域春秋時其地屬晉戰國屬韓在秦為上黨

郡地今即澤上黨郡之穀遠縣地也開皇十六年于此

置沁州因州東沁水為名大業三年省沁州武德元年重置

州境 東西一百五十里 南北一百四十里

八到 東南至上都一千二十里 西南至上都六百三十里

西至晉州二百六十里 西至霍州一百五十里

東至太原府三百四十里 東北至太原府三百三十里

貢賦 開元 龍鬚席

管縣三

沁源

和川

錦上

沁源縣中

開元戶二千二百五十四

鄉五

本漢穀遠縣地在今縣南一百五十里孤遠故城是也語音訛轉故以穀為孤耳後魏莊帝于今理置沁源縣因沁水為名也屬義寧郡開皇三年罷郡置縣屬晉四十六年置沁州縣屬焉

霍山一名太嶽在縣西七十八里

沁水自綿上縣界流入在縣東一里

和川縣中下北至

開元戶一千八十

鄉四

本漢穀遠縣地後魏莊帝于今縣南九里置義寧縣屬義寧郡開皇三年罷郡改屬晉州十六年置沁州縣屬焉十

八年改為和川縣大業二年省武德元年重置

烏嶺在縣四十六里

沁水在縣東十里

弃波水在縣東八十步

冀缺墓在縣南三十六里

綿上縣中下南至

開元戶一千八百十五

鄉四

本漢穀遠縣地開皇十六年置綿上縣屬沁州以縣西界有綿上地因以為名

羊頭山一名謂戾山在縣東北五十里沁水所出

沁水一名少水出縣東南二十四里覆甌山左傳曰齊侯

伐晉封少水為京觀也

霍山在縣西南八十里

儀州 樂平 開元戶七千九百七十五
元和戶一千六百五十一

禹貢冀州之域春秋時其地屬晉戰國屬韓秦為上黨郡

地今即洋上黨郡之涅縣地也後漢于此置轅陽縣屬

上黨郡隋開皇十年於轅陽故城置遼山縣屬并州即今

州理是也武德三年于此置遼州八年改為箕州因遼山

縣界箕山為名先天元年以與元宗諱同聲改為儀州因

州東夷儀嶺為名也

州境 東西二百五十里
南北一百五十九里

八到 西南至上都一千六百四十里
西至東都七百八十里
西北至太原府三百四十五里
正東至太原府三百六十里
西至太原府一百十里
南至太原府一百十里
北至太原府一百十里

貢賦 元和 貢 人參三十兩

遼山縣 中郭

遼山

遼山縣 下郭

開元戶二千百九十

榆社

平城

和順

鄉五

本漢涅縣地後漢于此置轅阿縣屬上黨郡晉改為轅陽

縣屬樂平郡後魏明帝改為遼陽開皇十年改置遼山縣

因縣西北轅山為名皇朝因之

箕山在縣東四十五里上有許由冢案司馬遷傳曰余登

箕山上有許由冢則在今洛陽城縣不當在七

玉指山在縣東五十里

祝融祠在縣二里

榆社縣中東至四一百十里

開元戶二千七百十

本澤涅縣地晉于今縣西北三十里置武鄉縣屬上黨郡

石趙時改屬武鄉郡開皇十六年于此置榆社縣屬韓州

今潞之襄

因縣西北榆社故城為名大業二年省義寧二年又

置武德三年于縣置榆社縣屬焉六年廢榆社縣屬遼州

後屬儀州縣城故武鄉城也石勒時築前趙錄曰石勒上

黨武鄉人僭號後還今日武鄉吾之曹沛其後之三世

石勒涇麻池在縣北三十里即勃微時与李陽所爭處今

枯涸終有處所

平城縣下東南至州九十里

開元戶九百五十四

鄉三

本漢涅縣也晉置武鄉縣地屬焉開皇十六年於趙簡子

所立平都故城置平城縣屬遼州大業三年改屬并州武

德三年改屬榆社六年省榆社改屬遼州貞觀八年改屬

冀州先天元年改屬儀州

賦嶺在縣西南三十里武鄉水所出

和順縣中南至四八十五里

本澤沾縣地即韓之閭与邑也史記曰秦伐韓閭与趙惠

文王使趙奢救之天破秦師即此地也開皇十年于今理
置和順縣屬并州因縣東北和順故城以為名
九京山在縣西十里
清漳水在縣北

元和郡縣志卷之十三終

乙百頁

